

**Inatsisartut Suleriaasiat 12. november 2010-meersoq 22. september 2011-meersunik, 29. maj 2012-meersunik aamma 28. maj 2015-imeersunik allannguutitalik.**

## **Kapitali 1**

*Ataatsimiigiaqqusineq, qinigaanerup misilinneqarnera, qinigaasinnaaneq*

**§ 1.** Nutaamik qinersinerup kingornatigut sapinggisamik piaartumik, kingusinnerpaamillu ullut 45-t qaangiunnerisigut Inatsisartut katersuutissapput. Ataatsimiigiaqqusisuussaaq ilaa-sortaq Inatsisartunut sivisunerpaamik ilaasortaasimasoq, imaluunniit arlallit sivisoqatigiim-mik Inatsisartunut ilaasortaasimappata angajulleq. Ilaasortap taassuma Inatsisartuni isu-maqatigiinniarnerit aqussavai qinigaanerup misilinneqarnissaata Inatsisartullu Siulittaasoqar-fiannik qinersisoqarnissaata tungaanut.

*Imm. 2.* Imm. 1 naapertorlugu ilaasortaq Inatsisartunut sivisunerpaamik ilaasortaasimasoq Inatsisartut sinnerlugit Inatsisartunullu ilaasortat akornannit Qinigaanerup Misilinneqarnis-saanut Ataatsimiititaliaagallartumik pilersitsissaaq. Ataatsimiititaliap ilaasortarissavai sivisu-nerpaamik ilaasortaasimasoq siulittaasutut, ilaasortallu allat sisamat sivisunerpaamik ilaa-sortaasimasumit, Inatsisartuni naalakkersuinikkut suliniaqatigiiffinnit sapinggisamik tama-tigoernerpaamik sinniisuutitaqarnissap qularnaarneqarnissaa siunertaralugu toqqarneqartunit.

*Imm. 3.* Ataatsimiititaliaq ilaasortassatut qinikkat qinigaasinnaassusiat pillugu Inatsisartunut inassuteqartassaaq. Ilaasortaq imm. 1-imi taaneqartoq ataatsimiititaliaq sinnerlugu inassute-qaammik Inatsisartunut saqqummiussissaaq.

*Imm. 4.* Inatsisartunut, Naalakkersuisunut, Inatsisartut ataatsimiititaliaannut imaluunniit Inatsisartunut sinniisuuffissamut allamut qinigaaneq Inatsisartunit akuerineqarsimatininnani kimilluunniit akueriumannginneqarsinnaanngilaq.

**§ 2.** Inatsisartunut ilaasortaq pinerluttulerinermi inatsit naapertorlugu inaarutaasumik eqqar-tuussissutikkut imaluunniit akiliisitaanissamik akuersissuteqarnikkut pinerluuteqarsimasutut pineqaatissinneqarpat imaluunniit pinerluttulerinermi inatsit naapertorlugu Inatsisartunut ilaasortaanissaminut nalinginnaasumik isigineqarnermini naleqqukkunnaarutigisaminik pineqaa-tissinneqarpat § 7, imm. 1, nr. 2 naapertorlugu Qinigaanerup Misilinneqarnissaanut Ataatsimiititaliap inassuteqarnera naapertorlugu Inatsisartut aalajangissavaat iliuuserisaq ilaasortap eqqartuunneqaatigisaa pineqartup Inatsisartunut ilaasortaaginnarnissaanut naleqquk-kunnaarutaanersoq.

## **Kapitali 2**

### *Inatsisartut Siulittaasuatuat aamma Inatsisartut Siulittaasoqarfiat*

**§ 3.** Inatsisartut ilaasortamik akornannit Inatsisartut Siulittaasussaat siulittaasullu tullii sisamat nutaamik qinersisoqareernerup kingorna inissitsiterfiusumik katersunnerminni isumaqtigiinnutigineqanngitsumik, tamatumalu kingorna ukiut tamaasa Inatsisartut ukiuata aallartinnerani, qinertassavaat.

*Imm. 2.* Qinigassanngortittoq Inatsisartut Siulittaasuattut qinerneqassaaq ilaasortat najuuttut affaannit amerlanernit (amerlanerussuteqarluinnartunit) taaneqaruni. Qinigassanngortittut arlaat amerlanerussuteqarluinnartunit taaneqanngippat qinersisoqaqqissaq. Qinersinermi tassani qinigassanngortittoq amerlanerussuteqarluinnartunit taaneqanngippat qinigasanngortittut marluk aappassaanik qinersinermi amerlanerpaanik taaneqartut pingajussaanik taasinermi taasissutigineqassapput. Taasinerit amerlaqatigiippata qinersineq makitsinikkut aalajangerneqassaaq.

*Imm. 3.* Aammattaaq Inatsisartut § 27, imm. 1 naapertorlugu qanoq amerlatigineq naaper-torlugu qinereriaaseq malillugu, ataatsikkoortumik qinissavaat siulittaasup tullia siulleq, tulliata aappaa, pingajuat sisamaallu, taakkulu Siulittaasoq peqatigalugu Inatsisartut Siulittaasoqarfiattut atuutissapput. Siulittaasup tullissaanik qinersinermi Siulittaasup qinikkatut inissaq siulleq, qinersisarnerit eqqarsaatigalugit suleqatigiinnissamik isumaqtigiissuteqarsi-masut attavigisaasa pissarsiarisassaat, pissavaa.

*Imm. 4.* Tamatumunnga peqatigitillugu Inatsisartut Siulittaasoqarfianni ilaasortat ataasiak-kaat sinniisussaannik Inatsisartut qinersissapput.

*Imm. 5.* Inatsisartuni amerlanerussuteqartut, Inatsisartunut ilaasortat affaat sinnerlugit amerlassusillit, akuersissutigisinnaavaat Inatsisartut Siulittaasuatuat imaluunniit siulittaasup tulliisa ilaat imm. 1 malillugu tullianik qinersinissap tungaanut atuukkunnaarsinnejassasoq. Inatsisartut Siulittaasuatuat Inatsisartunit atuukkunnaarsinnejarpot Inatsisartut Siulittaasoqarfiat tamar-miusoq tunuassaaq. Nutaamik qinersineq imm. 2-mi 3-milu periusereqquaasut malil-lugit ingerlanneqassaaq.

*Imm. 6.* Aammattaaq Inatsisartut Siulittaasoqarfiannik nutaamik qinersineq imm. 2-mi 3-milu periusereqquaasut malillugit ingerlanneqassaaq Siulittaasoq Inatsisartut Siulittaasuattut tunuarumalluni allakkatigut qinnuteqarpot imaluunniit pineqartoq toqukkut qimaguppat.

*Imm. 7.* Siulittaasup tulliisa ilaat ataaseq Inatsisartut Siulittaasoqarfianni ilaasortat tunuarumalluni qinnuteqarpot imaluunniit pineqartoq peqqiilliornermanik, inuussutissarsiumminik assigisaannilluunniit pingaarutilimmik pissuteqarluni Inatsisartut Siulittaasoqarfianni ilaasor-tat tunuarumalluni qinnuteqarpot Inatsisartut aalajangissavaat qinnuteqaat akue-rineqassanersoq. Inatsisartut ataatsimiinnerisa avataanni taamatut qinnuteqaatit Inatsisartut Siulittaasuannit Inatsisartut sinnerlugit aalajangiiffingeqarallartassapput. Aalajangiinerit Inatsisartut ataatsimiinneranni tullermi Inatsisartunut saqqummiunneqassapput.

**§ 4.** Inatsisartut Siulittaasoqarfiat Inatsisartut Oqaluuserisassanut Ataatsimiititaliaattut atuu-

tissaaq. Siulittaasoqarfimmik qinersinissap tungaanut §1, imm. 1 naapertorlugu ilaasortaq sivisunerpaamik ilaasortaasimasunit angajulleq kiisalu ilaasortat marluk Inatsisartunit toqqakkat Oqaluuserisassanut Ataatsimiititaliaagallartutut atutuissapput. Oqaluuserisassanut Ataat-simiititaliap imaluunniit Oqaluuserisassanut Ataatsimiititaliaagallartup Inatsisartuni ataatsimiinnissanut oqaluuserisassat suliaralugillu aalajangersassavaat oqaluuserisassallu pil-lugit nassuaammi inassuteqaatitik Inatsisartunut saqqummiullugit. Nassuaat isumaqatigiiniutigineqassanngilaq.

*Imm. 2.* Inatsisartut Siulittaasoqarfiat ilaasortanik ataasiakkaarlutik partiinut kattusseqatiginnulluunniit Siulittaasoqarfimmi ilaasortaatitaqanngitsunut ataasiakkaanut sinnisaasunik, Inatsisartunillu qinerneqartunik, ilaqtinnejarluni Inatsisartut Suleriaasiannut Ataatsimiititaliatut atutuissaaq. Inatsisartut peqatigitillugu partiit kattusseqatigiilluunniit, Siulittaasoqarfimmi ilaasortaatitaqanngitsut, ataasiakkaat sinnisigisaasa ataasiakkaat sinnisussaannik qinersisoqarsinnaassappat, sinnisussaannik taakkuninnga qinersissapput.

*Imm. 3.* Inatsisartut Siulittaasoqarfiat Inatsisartut sinnerlugit avammut kiinnertartuuvoq.

*Imm. 4.* Inatsisartut Siulittaasoqarfata Inatsisartut aamma ataatsimiititaliat sulinerisa pia-reersaasiorneqarnerisa ingerlanneqarnerisalu pissusissaq eqqorlugu ingerlanneqartarnissaat isumagisassavaa.

*Imm. 5.* Oqaluuserisassat inatsisartut ataatsimiinneranni oqaluuserisassatut ilangunneqaq-qullugit qinnutigineqartut ilusiliivigineqarlutik saqqummiunneqarnissaannut maleruagassanik erseqqinnerusunik Inatsisartut Siulittaasoqarfiat aalajangersaasinnaavoq.

*Imm. 6.* Inatsisartut Siulittaasoqarfata suliassat Suleriaatsimi aalajangersakkat naapertor-lugit Siulittaasoqarfimmut saqqummiussat suliarisassavai. Siulittaasoqarfip suliassat suu-galuartullunniit Inatsisartunut Inatsisartunullu ilaasortanut tunngaviusumik pingaaruteqartut suliarisinnaavai.

*Imm. 7.* Inatsisartut Siulittaasuut suliassani nukingiuttarialinni Inatsisartut Siulittaasoqarfiat sinnerlugu aalajangiisinnaavoq. Siulittaasup tullii Siulittaasup aalajangerneranik sapinngisa-mik piaartumik ilisimatinneqartassapput.

*Imm. 8.* Inatsisartut Siulittaasoqarfata Inatsisartullu Suleriaasiannut Ataatsimiititaliap sule-riaasissatik namminneerlutik aalajangersartassavaat.

*Imm. 9.* Imm. 2 naapertorlugu Suleriaatsimut Ataatsimiititaliap suliassaraa §§ 32 aamma 60 naapertorlugit Siulittaasoqarfip siunnersutai suliarisassallugit. Suleriaatsimut Ataatsimiiti-taliaq ataatsimiititaliat suliassaqarfii pillugit aalajangiisarpoq, tamanna nalorngissutigi-neqalersillugu. Ataatsimiititaliaq taamatuttaaq § 56 malillugu Inatsisartunut ilaasortat paasis-sutissiisussaatitaanerat pillugu malittarisassanik aalajangersaasarpoq.

## Kapitali 3

### *Naalakkersuisut*

**§ 5.** Naalakkersuisunut ilaasortat, Namminersorlutik Oqartussat suliassaqarfiiinik inger-latsisussat, Inatsisartut Naalakkersuisullu pillugit inatsisartut inatsisaat naapertorlugu Inat-

sisartut qinertassavaat.

*Imm. 2.* Naalakkersuisut Siulittaasuut Inatsisartunut ilaasortat akornannit amerlanerussute-qarluinnartut tunulialqutaralugit qinerneqartassaaq.

*Imm. 3.* Naalakkersuisut Siulittaasuata Naalakkersuisunut ilaasortassat aalajangersimasumik amerlassusillit aqqisigut taasat qinerneqaqqullugit Inatsisartunut inassutigissavai. Qinergineq pissaaq Naalakkersuisut Siulittaasuata siunnersuutaasa ataatsikkoortillugit taassisutiginerigut.

**§ 6.** Naalakkersuisunut ilaasortap Inatsisartunut ilaasortaannngitsup Inatsisartunut qinigaa-sinnaaneq pillugu aalajangersakkat qanoq ilisukkulluunniit atuuttut naammassisimassavai.

*Imm. 2.* Inatsisartut suliassat tassunga tunngassutilit § 1, imm. 3 naapertorlugu Qinigaanerup Misilinneqarnissaanut Ataatsimiititaliaagallartup imaluunniit § 7, imm. 1, nr. 2 naapertorlugu Qinigaanerup Misilinneqarnissaanut Ataatsimiititaliap inassuteqarneri malillugit aalajangiivigisassavaat.

## Kapitali 4

*Inatsisartuni ataatsimiititaliat*

*Ataatsimiititaliat inatsisit naapertorlugin pilersinnejartussat  
aamma ataatsimiititaliat ataavartut*

**§ 7.** Inatsisartut inissitsiterlutik ataatsimiinnerminni inatsisartullu ukiuata aallartinnerani ataatsimiititaliat uku pilersissavaat:

- 1) Nunanut Allanut Sillimaniarnermullu Ataatsimiititaliaq.
- 2) Qinigaanerup Misilinneqarnissaanut Ataatsimiititaliaq.
- 3) Inatsiseqarnermut Ataatsimiititaliaq.

*Imm. 2.* Inatsisartut taamatuttaaq inissitsiterlutik ataatsimiinnerminni upernaakkullu ataatsimiinnerit tamaasa ataatsimiititaliat uku pilersissavaat:

- 1) Aningaasaqarnermut Ataatsimiititaliaq.
- 2) Kukkunersiuinermut Ataatsimiititaliaq.

**§ 8.** Inatsisartut inissitsiterlutik ataatsimiinneranni inatsisartullu ukiuata aallartinnerani ataatsimiititaliat ataavartut allat, siulittaasoqarfip inassuteqarneratigut Inatsisartunit pilersin-neqassapput.

*Imm. 2.* Partiit qinersisarnerilluunniit eqqarsaatigalugit suleqatigiinnissamik isumaqatigiis-suteqarsimasut toqqaasimasut ilaasortaq peqataasinnaatinngagu ataatsimiititaliani ilaasortaati-tatik sinniisussaqartissinnaavaat, tamanna partiit qinersisarnerilluunniit eqqarsaatigalugit su-le-qatigiinnissamik isumaqatigiissuteqarsimasut siumut Inatsisartut siulittaasuannut nalu-naarutigisimappassuk.

**§ 9.** Inatsisartut ataatsimiititalianut ataasiakkaanut ilaasortanik tallimanik Naalakkersuis-

unut ilaasortaaqqusaanngitsunik qinersissapput. Immikkut pissutsit tamanna pisariaqartippas-suk Inatsisartut Siulittaasoqarfiata inassuteqareerneratigut Inatsisartut ataatsimiititaliamut ilaasortanik arfineq-marlunnik qinersisinnaapput.

*Imm. 2.* Kalaallit Nunaata Folketingimi ilaasortaatitai marluk Nunanut Allanut Sillimaniarnermullu Ataatsimiititaliamit qinnuigineqarlutik ataatsimiititaliap ataatsimiinnerini taaseqa-taasinnaatik peqataasinnaapput.

*Imm. 3.* Nunanut Allanut Sillimaniarnermullu Ataatsimiititaliaq immikkut isertuussisussaa-titaanermut pisussaaffiup ataatsimiititaliamut ilaasortanut allanullu ataatsimiititaliap oqallin-nerinik malinnaasinjaasunut atuuttup eqquutsinneqarnissaata qularnaarneqarnissaanut sule-riaatsimini sukumiinerusunik aalajangersaassaaq.

**§ 10.** Tamatuma peqatigisaanik Inatsisartut ataatsimiititalianut ataasiakkaanut ilaasortanut ataasiakkaanut sinniisussanik qinersissapput. Ilaasortaq peqataasinnaatinngu sinniisussaq taassumunnga taartaalluni peqataasassaaq.

*Imm. 2.* Ataatsimiititaliamut ilaasortaq kiisalu taassuma sinniisussaa ataatsikkut peqataasi n-naajunnaarallarpata, partiip qinersisarnerilluunniit eqqarsaatigalugit suleqatigiinnissamik isumaqatigiissuteqarsimasut qinnuteqarnerat naapertorlugu, Inatsisartut Siulittaasoqarfiat aalajangersinnaavoq partii qinersisarnerilluunniit eqqarsaatigalugit suleqatigiinnissamik isu-maqa-tigiissuteqarsimasut ilaasortamut taartaasussamik taarsiisitsigallarsinnaasut. Siulit-taasoqarfiup Inatsisartut Allattoqarfiat piginnaatissinnaavaa pisuni ataasiakkaani ataatsimiiti-taliat sulineranni sinniisussaagallartumik partit qinersisarnerilluunniit pillugit suleqatigiit qinnuteqaataasa akuerinissaannik aalajangiisinjaatillugu.

**§ 11.** Suleriaatsimi matumani allatut aalajangersaasoqarsimatinnagu ataatsimiititaliap siulit-taasussani siulittaasullu tullissaa nammineerluni qinertassavai, taamaattorli ataatsimiititaliami siulittaasuitaqarneq siulittaasullu tulliutitaqarneq ilaasortaqassuseq tunngavigalugu pisassal-luni, taamaalillunilu partiit qinersisarnerilluunniit pillugit suleqatigiit amerlanerpaanik ila-a-sortaatitaqartut sinnisaat siulittaasussamik toqqaasassallutik, partiit qinersisarnerilluunniit pillugit suleqatigiit anginernut tulliusut sinnisaasa siulittaasup tullissaa toqqartassallugu.

*Imm. 2.* Ataatsimiititaliap siulittaasuata isumagissavaa ataatsimiititaliami sulinerup sapin-gisamik annertunerpaamik pingaartinneqarnissaa. Inatsisartut Siulittaasuat ataatsimiitita-liamut siulittaasumut peqqusisinnaavoq ataatsimiititaliami sulinerup ingerlanera pillugu oqaasiinnarmik allagaqarluniluunniit nalunaaruteqaqqullugu.

**§ 12.** Ataatsimiititaliap suleriaasissani nammineerluni akuersissutigissavaa, taannalu Inatsi-sartut Siulittaasoqarfiannut akuersissutigisassanngorlugu inassutigineqassaaq.

*Imm. 2.* Ataatsimiititaliaq aalajangiisinjaassuseqarpoq ilaasortat affaannit amerlanerit peqa-taappata.

*Imm. 3.* Tamanna pissusissamisoortutut nalilerneqarpat ataatsimiititaliaq suliassaqarfinit eqqarsaatigalugit ilaasortat akornanni suliassanik agguataarisinnaavoq.

**§ 13.** Ataatsimiitaliami oqaluuserineqartut tamanut tusarliunneqaqqusaanngillat.

*Imm. 2.* Ataatsimiitaliarli aalajangersinnaavoq nalunaarutit aalajangersimasumik annertus-susilerlugit killilikat tamanut tusarliunneqarsinnaasut.

**§ 14.** Ataatsimiitaliap suliassaasa pingaarnersaraat siunnersuutit Inatsisartunit ataatsimiiti-taliamat innersuussat suliarineqartarnissaat.

*Imm. 2.* Ataatsimiitaliaq, ilaatigut Naalakkersuisunut apeqquteqartarnermigut, suliassaqarfimmi iluani ingerlatsinermik malittarinninnissaminut pisussaavoq aammalu Naalakkersuisut inatsisitigut killissarititat iluanni ingerlatsinikkulluunniit ileqqorissaarnermut tunngatillugu killigitat iluanni ingerlatsinissaat nakkutigissallugu.

*Imm. 3.* Ataatsimiitaliaq apeqqutip allakkatigut akineqarnissaanik qinnuteqarpal, ataatsimiitaliap qinnuteqaataa Naalakkersuisunit naammassineqassaaq. Naalakkersuisut taamaalaat paasissutissanik ataatsimiitaliap pissarsisinnaanera killilersinnaavaat, ataatsimiitaliap taakkuninnga paasisaqarnissaminik soqtiginninnera pisortat namminersortulluunniit so-qutigi-saannut sakkortuneroqisunut tunulliunneqartariaqarpal. Taamatut killiliineq tamatigut allakkatigut tunngavilersoneqarsimassaaq.

**§ 15.** Inatsisartut siunnersummik suliarinninnermik nalaani qanoq ilisukkulluunniit siunnersuut ataatsimiitaliamut suliareqqitassanngorlugu innersuussinnaavaat, ataatsimiitaliaq siunnersuut pillugu siusinnerusukkut isumaliutissiissuteqarsimagaluarpalluunniit.

*Imm. 2.* Ataatsimiitaliap suliarinninnera naammassitsiillugu Inatsisartut suliarinninnertik unitsikkallassavaat.

**§ 16.** Ataatsimiitaliaq isumaqaruni siunnersuut ataatsimiitaliap allap suliassaqarfiinut attuumassuteqartoq Inatsisartut Siulittaasoqarfiata akuersineratigut ataatsimiitaliaq taanna qinnuigisinnaavaa siunnersummik suliarinneqataaqquallugu.

*Imm. 2.* Siunnersummik aappassaaneerlugu suliarinnilinnginnermi Inatsisartut Siulittasoqarfiat taarsiullugu aalajangersinnaavoq ataatsimiitaliamut innersuussutaaqqaartuugaluaq Inatsisartunut saqqummiuteqqinnejassasoq.

**§ 17.** Inatsisartut allatut aalajangersimatinnagit ataatsimiitaliaq inatsisartut inatsisissaattut imaluunniit Inatsisartut aalajangiiffigisassaattut siunnersutinik suliaqarnermi inerneril pil-lugit isumaliutissiissummik saqqummiussisassaaq. Ataatsimiitaliaq siunnersuutit Inatsisar-tunit ataatsimiitaliamut innersunneqarsimasut pillugit isumaliutissiissu siortussaatitaavoq.

*Imm. 2.* Ataatsimiitaliap siunnersuutit arlallit imminnut attuumassuteqarluinnartutut isu-maqarfigunigut ataatsimoortillugit isumaliutissiissummi saqqummiussinnaavai.

*Imm. 3.* Ataatsimiitaliaq siunnersuut pineqartoq pillugu siusinnerusukkut isumaliutissiis-susiorsimaguni ilassutitut isumaliutissiissummik saqqummiussisinnaavoq.

*Imm. 4.* Isumaliutissiissut imaluunniit ilassutitut isumaliutissiissut allaganngorlugu saqqum-

miunneqassaaq.

*Imm. 5.* Isumaliutissiissut imaluunniit ilassutitut isumaliutissiissut saqqummiunneqarnerminit ullut unnuallu pingasut qaangiunnerisigut aatsaat Inatsisartunit suliarineqarsinnaalis-saaq.

**§ 18.** Ataatsimiititaliaq siunnersuutinik allanik, nassuaatinik suliassanilluunniit allanik isumaliutissiissutinngorlugit saqqummiunneqartussaanngitsunik suliaqarnerminut atatillugu allaganngorlugu nalunaarusiorsinnaavoq.

*Imm. 2.* Pisuni immikkorluinnaq ittuni ataatsimiititaliaq Inatsisartut Siulittaasoqarfiata akuersineratigut allatigut suliaqarnini pillugu allaganngorlugu nalunaarusiorsinnaavoq.

*Imm. 3.* Imm. 1 aamma 2 naapertorlugit nalunaarusiat Inatsisartut ataatsimiittarfianni oqa-luuserineqartussaanngillat.

**§ 19.** Ataatsimiititaliaq qanoq ilisukkulluunniit Naalakkersuisunut ilaasortamik siunersui-nissamut ilisimatitsiffiusumilluunniit ataatsimiinnissamut aggersaasinnaavoq. Naalakkersuis-unut ilaasortaq atorfiflimmik ataatsimik tamatigut ingallorteqarsinnaavoq. Naalakkersuisunul-li ilaasortap atorfiflinnik arlalinnik ingallorteqarnissaataatsimiititaliap akuersissutigisinnaavaa. Tamanna ataatsimiititaliamut qinnuteqaatigineqartassaaq ataatsimiinnissaq sioqqullugu.

*Imm. 2.* Ataatsimiititaliap naliliinera naapertorlugu Naalakkersuisunut ilaasortaq pissutissa-qavilluni peqataasinnaanngippat immikkorluinnaq ittumik pissutissaqartoqartillugu siunersi-uineq ilisimatitsiffiusumilluunniit ataatsimiinneq atorfilik ataaseq arlallilluunniit peqataatil-lugit ingerlanniarneqarsinnaavoq.

*Imm. 3.* Siunersiuinermi ilisimatitsiffiusumilluunniit ataatsimiinnermi atorfilittami oqaase-risaanut Naalakkersuisunut ilaasortaq akisussaasuuvvoq.

*Imm. 4.* Siunersiuinermut ilisimatitsiffiusumilluunniit ataatsimiinnermut matoqqasumut ta-manulluunniit ammasumut aggersaasoqarsinnaavoq. Tamanut ammasumik siunersiuinermut ilisimatitsiffiusumilluunniit ataatsimiinnermut aggersaasoqarpataatsimiinnermi kik-kulluunniit najuussinnaapput. Siunersiuinerit ilisimatitsiffiusumilluataatsimiinnerit tamanut amma-sumik ingerlanneqartut immiussissutinut immiussissutinulluunniit assigisaannut immi-unne-qassapput.

**§ 20.** Inatsisartut inatsisissaattut imaluunniit inatsisartut aalajangiiffisassaattut siunnersuut Inatsisartunut ilaasortamit ataatsimit arlalinnilluunniit saqqummiussaq ataatsimiititaliami oqa-luuserineqaraangat siunnersuuteqartoq taannaluunniit sinnerlugu oqaaseqartuusussaq, ataatsimiititaliamut ilaasortaanngikkaluarluni, siunnersuutip pineqartup ataatsimiititaliami oqaluuserineqarnerani najuussinnaatitaavoq, taamali pisoqartillugu taasisinnaatitaassanngilaq imaluunniit oqaaseqaatiminik isumaliutissiissummut ilanngussaqarsinnaatitaanani.

**§ 21.** Ataatsimiititaliaq suliassaqarfimmi iluani apeqquqtit tamanut tunngassuteqartut pillugit tusarniaanernik ingerlatsisarsinnaavoq, taakkununngalu atatillugu kikkulluunniit isum-

maminnik saqqummiusseqqullugit qinnuigisinnaallugit.

*Imm. 2.* Ataatsimiititaliaq tusarniaanerup qanoq ilusilimmik ingerlanneqarnissaa pillugu erseqqinnerusumik aalajangiisassaaq, tassungalu ilanggullugu tamanut ammasumik ingerlanneqarnissaanik apeqqut isummerfigisassallugu.

*Imm. 3.* Tusarniaaneq ataatsimiititaliat arlallit suleqatigiissutigisaattut ingerlanneqarsin-naavoq.

*Imm. 4.* Aammattaaq ataatsimiititaliaq isumaliutissiisummik saqqummiussaqannginnermi-ni soqutiginnillutik susassalinnut tusarniaaqqaarsinnaavoq.

**§ 22.** Ataatsimiititalianut §§-ini 7, 8 aamma 23-mi taaneqartunut Inatsisartut Allattoqarfian-nit atorfinitsinneqartumik ataatsimiititaliamut allatsitut atorfeqartitsisoqassaaq.

*Imm. 2.* Ataatsimiititaliap allattaa ataatsimiititaliap erseqqinnerusumik aalajangiinera malil-lugu ataatsimiinnissat piareersaasiорнеринут, ataatsimiititaliap ataatsimiinnerisa imaqarnilior-nerinut, paassisutissanik ataatsimiititaliap kissaatigisaanik pissarsiniarnernut kiisalu ataatsi-miititaliap allagassaasa imassaannik siunnersuusiornernut suleqataasassaaq aammalu isu-maliutissiusiornernut nalunaarusiornernullu peqataasassalluni.

### *Ataatsimiititaliaagallartut*

**§ 23.** Inatsisartuttaaq suliassat aalajangersimasut suliarineqarnissaannut ataatsimiititalia-a-gallartunik pilersitsisinnaapput. Ataatsimiititaliaagallartoq atorunnaassaaq suliassaq imaluun-niit suliassat, imminut suliakkiissutigineqartut naammassillugit suliarineqareerpata. Ataatsi-miititaliaq suliani pillugu Inatsisartunut allaganngorlugu nalunaarusiussaaq. Nalunaarusiaq Inatsisartuni oqaluuserineqassaaq.

## **Kapitali 5**

*Siunnersuisoqatigiit aamma aalajangiisartutut ataatsimiititaliat il.il.*

**§ 24.** Inatsisartut siunnersuisoqatigiinnut aamma aalajangiisartutut ataatsimiititalianut il.il. sinniisuitassaminnik qinersissapput. Sinniisuititat pineqartut piffissaq qinigaaffiat inatsisit, ileqqoreqqusat aalajangersakkalluunniit siunnersuisoqatigiinnut aalajangiisartutulluunniit a-taatsimiititalianut il.il. atuuttut naapertorlugin aalajangersarneqartapoq.

*Imm. 2.* Siunnersuisoqatigiinnut aamma aalajangiisartutut ataatsimiititalianut il.il. sinniisuu-titassanik qinersineq sapinngisamik pisassaaq inatsisartut ataatsimiinneranni sinniisuititat atuuttut qinigaaffiata naanissaata siulianiittumi.

**§ 25.** Inatsisartut Inatsisit Atortinneqarnerannut Ataatsimiititaliaata inassuteqarneratigut Inatsisartut Ombudsmandiannik aamma Inatsisartut Ombudsmandiannut Taartaasartumik Inatsisartut qinersissapput.

*Imm. 2.* Inatsisartut Kukkunersiuinermut Ataatsimiititaliaata inassuteqarneratigut

Inatsisartut Nunatta Karsiata naatsorsuutaanik kukkunersiusussamik qinersissapput.

## **Kapitali 6**

### *Qinersinerit qinerseriaatsillu*

**§ 26.** Kinaluunniit Inatsisartuni ataatsimiitaliamut imaluunniit siunnersuisoqatigiinnut, aalajangiisartutut ataatsimiitaliamut il.il. ilaasortatut qinigaasinnaassaguni Inatsisartut ataatsimiittarfianni Inatsisartunut ilaasortamit siunnersuutigineqarsimasariaqarpoq.

*Imm. 2.* Qinersinerit tamarmik sivisunerpaamik ukiuni sisamani atuuttassapput, allamillu aalajangiisoqartinnagu qinersinerit taamaallaat piffissamut Inatsisartut qinigaaffiannut atuuttassallutik.

*Imm. 3.* Ataatsimiitalianut, siunnersuisoqatigiinnut aamma aalajangiisartutut ataatsimiitalianut il.il. ilaasortassanik marlunnik amerlanerusunilluunniit qinersisoqassatillugu qanoq amerlassuseqarneq najoqqutaralugu qinersisoqartassaaq.

**§ 27.** Inatsisartut Suleriaasiat una malillugu qanoq amerlassuseqarneq najoqqutaralugu qinersinermi d'Hondtip periaasia aalajangersakkat makku malillugit atorneqartassaaq: Inatsisartunut ilaasortat immikkoortunut qinersinissami pineqartunut qanoq taaseqatigiikkumanerlutik Inatsisartut Siulittaasuannut nalunaarnerat naapertorlugu immikkoortiterneqartassapput. Taa-seqatigiikkumasut amerlassusii ilaasortat qinerneqartussat amerlassusii apeqqutaatillugit 1-imik, 2-mik, 3-mik agguarneqartassapput. Kisitsisit taamaalillutik saqqummersut tunngavigalugit taaseqatigiikkumasut ataasiakkaat qanoq tulleriinneqarlutik ilaasortaatitaqalissanersut aalajangerneqartassaaq. Kisitsisit marluk amerlanerilluunniit assigiippata qanoq tulleriinneqartitsinissaq makitsinikkut aalajangerneqassaaq.

*Imm. 2.* Inuk ataasiinnaq qinerneqartussatillugu taasisut amerlanerussuteqavinnissaat pi- umasarineqarpoq. Qinigassanngortittut arlaannaalluunniit taaseeqqaarnermi amerlanerussuteqarluinnartunit taaneqanngippat nutaamik taasisoqassaaq. Taasinermi tassanissaaq qinigassanngortittut arlaat amerlanerussuteqarluinnartunit taaneqanngippat qinigassanngortittut marluk aappassaanik taasinermi amerlanerpaanit taaneqartut taassisutigalugit pingajussaanik taasisoqassaaq. Taasinert naligiippata qinersineq makitsinikkut aalajangiiffingineqassaaq.

## **Kapitali 7**

### *Inatsisartut inatsisissaattut siunnersuutit aamma Inatsisartut Suleriaasiat*

**§ 28.** Inatsisartut inatsisissaattut siunnersuutit inatsisissatut ilusileriigaallutik aammalu nalinginnaasumik immikkullu nassuaatinik, taamatullu aamma siunnersuutip aningaasatigut allaffissornikkullu kingunerisassaannik allaaserinninnermik, ilaqaqtinneqarlutik tunniuneqartassapput. Inatsisartut inatsisissaattut siunnersuutit taaguuserneqarsimasuusassapput.

*Imm. 2.* Aammattaaq inatsisartut inatsisaata inatsisartulluunniit peqqussutaata allanngortin-

neqarnissaanik atorunnaarsinnejarnissaanilluunniit siunnersuuteqarnermi siunnersuut taanna Inatsisartut inatsisaata allanngortinneqarnissaanik atorunnaarsinnejarnissaanilluunniit siunnersuutit taaguuserneqassaaq. Aamma inatsisartut inatsisaata inatsisartulluunniit peqqussuata allanngortinneqarnissaanik atorunnaarsinnejarnissaanilluunniit inatsisartut inatsisissaattut siunnersuutit allanngutip pingaarnertut imarisaanik ersersitsisumik quleqtaaralerneqar-simassapput.

*Imm. 3.* Taakku saniatigut inatsisartut inatsisissaattut siunnersuuteqarnermi § 4, imm. 5 naapertorlugu siunnersuuteqarsinnaanermut najoqqtassat erseqqinnerusut qaqugukkulluunniit atuuttut, Inatsisartut Siulittaasoqarfiannit aalajangersakkat, eqquutitinneqartassapput.

*Imm. 4.* Inatsisartut inatsisissaattut siunnersuutip Inatsisartunut saqqummiunneqarnissaa kissaatigineqaraangat tamanna siunnersuuteqartup Inatsisartut Siulittaasuanut allakkatigut nalunaarutigisassavaa, taassumalu siunnersuut, agguanneqareeraangat, Inatsisartuni oqaluu-serineqartussatut nalunaarutigisassavaa, taamaattorli § 39, imm. 2 takuuk.

**§ 29.** Inatsisartut inatsisissaattut siunnersuutit inaarutaasumik akuersissutigineqarsinnaalin-ninginnerminni Inatsisartunit pingasoriarlugit oqaluuserineqartassapput.

*Imm. 2.* Siunnersuuteqartoq Siulittaasoqarfiup akuersineratigut siunnersuutip siullermeer-lugu oqaluuserineqalinnginnerani siunnersuutini taassumalu kingunerisassai pillugit naatsu-mik nassuaateqarsinnaavoq.

*Imm. 3.* Siunnersuut siullermeerneqarnermini tunngaviusumik isummat kiisalu allannguu-tissatut siunnersuuteqartoqarnissaanik ilimasaarisimasinnaanerit malillugit ataatsimut isi-galugu oqaluuserineqartassaaq. Siunnersuut oqaluuserineqareeraangami aappassaaniigas-sanngortinneqartassaaq, Inatsisartullu aalajangertassavaat aappassaaneerlugu oqaluuseri-neqalinnginnermini ataatsimiititaliamut oqaluserisassanngorlugu innersuussutigineqassaner-soq. Ataatsimiinnermik aqutsisup inassuteqarnera tunngavigalugu Inatsisartut ilanngullugu aalajangertassavaat siunnersuut ataatsimiititaliamut sorlermut innersuunneqassanersoq.

**§ 30.** Aappassaaneerinninneq siullermeerininnerup naammassinnerata isumaliutissiisum-milluunniit saqqummiussinerup kingorna siusinnerpaamik ullut pingajussaanni pisinnaavoq.

*Imm. 2.* Aappassaaneeraluni oqaluuserinninnerup kingorna siunnersuut qanoq iluseqartinne-qarluni pingajussaamiigassanngortinneqassanersoq taasinikkut aalajangerneqartassaaq. Allan-nguutissatut siunnersuutit siulliullugit taassisutigineqartassapput.

*Imm. 3.* Tamatuma kingorna siunnersuut pingajussaamiigassanngortinneqassaaq, Inatsisartullu aalajangissavaat siunnersuut tamanna sioqqullugu ataatsimiititaliami siusinne-rusukkut isumaliutissiissusorsimasumi ataatsimiititaliamiluunniit allami nutaamik oqaluuse-risassanngorlugu innersuussutigineqaqqissanersoq.

**§ 31.** Pingajussaaneerinninneq aappassaaneerinninnerup naammassinnerata imaluunniit isu-maliutissiisummik ilassutitulluunniit isumaliutissiisummik saqqummiussinerup kingorna siusinnerpaamik ullut pingajussaanni pisinnaavoq.

*Imm. 2.* Allannguutissatut siunnersuutit isummerfigineqareeraangata Inatsisartut siunnersuut inaarutaasumik ilusilik naatsumik oqaluuserisinnaavaat, tamatumalu kingorna siunnersuut inaarutaasumik ilusilik taassisutigineqassalluni.

*Imm. 3.* Siunnersuut inaarutaasumik akuersissutigineqartoq Inatsisartut Siulittaasuannit inatsisartullu allattaanerannit atsiorneqartassaaq, tamatumalu kingorna Naalakkersuisut Siulittaasuannut nassiunneqartassalluni.

**§ 32.** Inatsisartut inatsisissaattut siunnersuutit pillugit maleruagassat malillugit aamma Inatsisartut Suleriaasissaattut siunnersuutit aamma Inatsisartut Suleriaasiannut allannguutissatut siunnersuutit suliarineqartassapput.

## Kapitali 8

### *Inatsisartut aalajangiiffigisassaattut siunnersuutit*

**§ 33.** Inatsisartunut ilaasortap, partiip Naalakkersuisulluunniit inatsisiliornissamik imaluunniit inatsimmik pioreersumik allanngortitsinissamik atorunnaarsitsinissamilluunniit siunnersuutaat inatsisartut aalajangiiffigisassaattut siunnersuutit saqqummiunneqartassapput. Siunnersuut tunngavilersugaassaaq siunnersuutillu aningaasatigut allaffissornikkullu kingunerisasai allaaserineqarsimassallutik, aalajangiiffigisassatut ilusilerneqarsimassalluni taaguuserneqarsimallunilu.

*Imm. 2.* Matumanissaaq § 28, imm. 4 atorneqassaaq.

*Imm. 3.* Inatsisartut aalajangiiffigisassaattut siunnersuutit aamma tulliniittut suliarineqartassapput:

- 1) Inatsisartut nunat tamalaat akornanni suliniaqatigiiffinni ilaasortaatitaqarfigisaanni aalajangersakkanik Inatsisartut akuersissutiginninnissaannik siunnersuutit. Siunnersuutit Inatsisartut ilaasortaatitaasa siulittaasuannit saqqummiunneqartassapput.
- 2) Nutaanik aningaasaliissuteqarnissamik oqaasertaliussaqarnissamillu imaluunniit aningaasaliissutinik oqaasertaliussanillu allanngortitsinissamik qinnuteqaatit Inatsisartut Aningaasaqarnermut Ataatsimiitaliaannut suliarisassangortinneqartut.
- 3) Siunnersuutit tunngaviusumik isigisariallit allat, Inatsisartunit aalajangiiffigissallugit pingaarutillit.

*Imm. 4.* Danskit naalakkersuisuisa siunnersuutaat Naalakkersuisunit saqqummiunneqartassapput.

*Imm. 5.* Imm. 1-imi taaneqartutut Inatsisartut aalajangiiffigisassaattut siunnersuut Inatsisartunit akuersissutigineqarpat Inatsisartut inatsisissaattut siunnersuuterpiatut saqqummiunneqar-nermigut imaluunniit nalunaarutingorlugu atuutilersinneqarnermigut piaartumik atuutilersinniarnissaa Naalakkersuisut pisussaaffigissavaat.

*Imm. 6.* Siunnersuutit imm. 1-imi aamma 3-mi taaneqartut saniatigut Naalakkersuisunit siunnersuutit tulliini taaneqartut Inatsisartut aalajangiiffigisassaattut siunnersuutit suliarineqartassapput:

- 1) Nunatta Karsiata naatsorsuutaasa akuersissutigineqarnissaannik siunnersuutit.
- 2) Akileraarutitigut ilanngaatit il.il. aalajangersaavigineqarnissaat pillugit siunnersuutit.
- 3) Inatsisit Danmarkimi atuuttut Kalaallit Nunaannut atortussanngortinniarneqartut pillugit Inatsisartut oqaaseqaatissaattut siunnersuutit.
- 4) Nunat tamalaat akornanni isumaqatigiissutit, nunat tamalaat nalinginnaasumik isumaqa-tigiissutaat il.il. akuersissutigitinniarneqartut pillugit Inatsisartut oqaaseqaatissaattut siunnersuutit.
- 5) Siunnersuutit allat inatsisit allat naapertorlugit Inatsisartunit oqaaseqaateqarfingineqartariaqartut.

*Imm. 7.* Inatsisartut aalajangiiffigisassaattut siunnersuutit, inaarutaasumik aalajangiiffigineqartinnagit, marloriarlugit suliarineqartassapput. Siullermeerlugu suliarineqalinnginngerani siunnersuuteqartoq siunnersuumminut kingunerisassaanullu naatsumik nassuaateqarsinnaavoq. Inatsisartut aalajangerpata Inatsisartut aalajangiiffigisassaattut siunnersuutit ataatsimiitaliamut suliarineqartussanngortinneqassasoq, ataatsimiinnermik aqutsisup Inatsisartunut inassutigissa-vaa ataatsimiitaliaq sorleq siunnersummik suliarinnittuussanersoq. Taama pisoqartillugu kapitali 4 tamarmiusoq naapertorlugu ataatsimiitaliaq isumaliutissiissusiortassaaq, pissutsit pineqartut qanoq ittuuneri tunngavigalugit allaassutaasinnaasut arajutsinaveersaarlugit.

*Imm. 8.* Aalajangiiffigisassatut siunnersuutinut allannguutissatut siunnersuutit pineqartillugit kapitali 9 atuuppoq, pissutsit pineqartut qanoq ittuuneri tunngavigalugit allaassutaasinnaasut arajutsinaveersaarlugit.

## **Kapitali 9**

### *Allannguutissatut siunnersuutit*

**§ 34.** Inatsisartut inatsisissaannut aamma Inatsisartut Suleriaasiannut allannguutissatut siunnersuuteqartoqarsinnaavoq. Allannguutissatut siunnersuut siunnersuutip aappassaaneerlugu oqaluuserineqarnerani Inatsisartunut ilaasortamit kimilluunniit, Naalakkersuisunit, ataatsimiitaliamit, ataatsimiitaliami amerlanerussutilinnit ikinnerussutilinnillu saqqummiunneqarsinnaavoq. Ataatsimiitaliaq, ataatsimiitaliami amerlanerussutilit ikinnerussutililluunniit isumaliutissiissusiornermikkut allannguutissatut siunnersummik saqqummiussisassapput. Siunnersuutip pingajussaaneerlugu oqaluuserineqarnerani Naalakkersuisut, ataatsimiitaliaq, ataatsimiitaliami amerlanerussutilit ikinnerussutilillu imaluunniit Inatsisartunut ilaasortat sisa-mat ataatsimoorlutik allannguutissanik siunnersuuteqarsinnaapput. Ataatsimiitaliaq, ataatsimiitaliami amerlanerussutilit ikinnerussutililluunniit ilassutitut isumaliutissiissut-qarnermikkut allannguutissanik siunnersuuteqartassapput.

*Imm. 2.* Aammattaaq Inatsisartut aalajangiiffigisassaattut siunnersuutinut allannguutissanik siunnersuuteqartoqarsinnaavoq. Aalajangiiffigisassatut siunnersuutip siullermeerlugu oqaluuserineqarnerani Inatsisartunut ilaasortat kikkulluunniit aamma Naalakkersuisut allannguutissanik siunnersuuteqarsinnaapput. Aalajangiiffigisassatut siunnersuutip aappassaaneerlugu

oqaluuserineqarnerani Naalakkersuisut, ataatsimiititaliaq, ataatsimiititaliami amer-lanerussutilit ikinnerussutilillu imaluunniit Inatsisartunut ilaasortat sisamat ataatsimoorlutik allannguutissanik siunnersuuteqarsinnaapput. Ataatsimiititaliaq, ataatsimiititaliami amer-lanerussutilit ikinnerussutililluunniit isumaliutissiissuteqarnermikkut allannguutissanik siunnersuuteqartassapput.

*Imm. 3.* Allannguutissatut siunnersuutit allaganngorlugit oqaasertaligaassapput. Aammat-taaq imm. 1 malillugu allannguutissatut siunnersuutit § 28, imm. 1 naapertorlugu nassuaati-taqartinneqassapput.

*Imm. 4.* Siunnersuutip allannguutissatut siunnersuusiorfigineqartup Inatsisartuni oqalu-serineqarnissaa kingusinnerpaamik ullormik ataatsimik sioqqullugu allannguutissatut siunner-suut Inatsisartunut ilaasortanut agguanneqareersimassaaq.

*Imm. 5.* Ilaasortap siunnersuutigisinnaavaa allannguutissatut siunnersuusiornissaq pissutiga-lugu oqaluuserinninneq kipitinneqarallassasoq. Tamatuma kingorna Inatsisartut aalaja-ngissapput oqaluuserinninneq allannguutissatut siunnersummik saqqummiussisoqarnissaa siunertalarugu kipitinneqarallasanersoq.

*Imm. 6.* Allannguutissatut siunnersummum allannguutissamik siunnersuuteqartoqarsinnaa-voq (allannguutissatut siunnersummum allannguutissatut siunnersuut) imm. 1 - 5-imi aalaja-ngersakkat malillugit.

*Imm. 7.* Siunnersuut, allannguutissatut siunnersuut allannguutissatulluunniit siunnersuum-mut allannguutissatut siunnersuut tunuartinneqaruni aalajangersakkami matumani malerua-gassat naapertorlugin allanit saqqummiuteqqinnejqarsinnaavoq.

*Imm. 8.* Matumanissaaq § 39, imm. 2 atorneqassaaq.

## Kapitali 10

### Nassuaatit

**§ 35.** Naalakkersuisut pisortat suliassaataat pillugit Inatsisartunut nassuaateqarsinnaapput.

*Imm. 2.* Naalakkersuisut Inatsisartunut taamatut nassuaateqarumappata tamanna Naalakker-suisut Inatsisartut Siulittaasuannut nalunaarutigissavaat, taassuma nassuaat aggu-anneqareerpat Inatsisartunut nalunaarutigissavaa.

*Imm. 3.* Nassuaatit isumaqtiginiutigineqartussaanngillat.

*Imm. 4.* Immikkorluinnaq ittumik pisuni Inatsisartut Siulittaasoqarfiat isumaqtigini-utiginnittooqarnissaanik akuersisinnaavoq.

*Imm. 5.* Naalakkersuisunilli nassuaatit tulliini taaneqartut tamatigut isumaqtiginiutigi-neqartassapput:

- 1) Naalakkersuisut Siulittaasuata Inatsisartut ukiuata aallartinnerani Inatsisartunut nassui-aataa.
- 2) Naalakkersuisut Siulittaasuata Inatsisartunut qinigarlaanut nassuaataa.
- 3) Nunanut allanut tunngasutigut naalakkersuinikkut ingerlatsineq pillugu nassuaat.
- 4) Aningasaqarniarnikkut ingerlatsineq pillugu nassuaat.

5) Nassuaatit inatsisit malillugit Naalakkersuisunit Inatsisartunut saqqummiunneqartussaatitaasut, taakkulu isumaqtigiainniutigineqarnissaat Naalakkersuisut kissaatigippasuk.

*Imm. 6.* Aammattaaq Naalakkersuisut Siulittaasuat apeqqutit inuiaqtigiainnut kalaallinut im-mikkut pingaarutillit pillugit Inatsisartunut nassuaateqarsinnaavoq. Nassuaat taamaattoq isu-maqatigiainniutigineqartassaaq.

*Imm. 7.* Nassuaammik isumaqtigiainniutiginnitoqartussaatillugu taassuma isumaqtigiainniutigineqalinnginnerani nassuaasiap imarisaa pingarneq pillugu Naalakkersuisut naatsumik nassuaateqarsinnaapput.

*Imm. 8.* Nassuaatit pillugit oqallinnermi Inatsisartunut ilaasortat partiillu inatsisartut oqaaseqaateqarnissaannut siunnersummiik saqqummiussisinnapput. Siunnersuut taamaattoq allakatigut naatsumik tunngavilersuutitalerlugu ataatsimiinnermik aqtsisumut nalunaarutigineqassaaq, oqallinnermullu ingerlanneqartumut pissusissamisoortumik attuumassuteqartuusalluni. Inatsisartut oqaaseqaateqarnissaannut siunnersummut atatillugu allannguutissatut siunnersuuteqartoqarsinnaanngilaq. Nassuaatit pillugit oqallinnermi taamaalilluni inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaateqarnissaannut siunnersuut ataaseq akuersissutigineqarpat, inatsisartut oqaaseqaatissaattut siunnersuutaajunnartut ataatsimiinnermik aqtsisumut nalunaarutigineqartut, sulili taassisutigineqanngitsut, atorunnaassapput. Nassuaammik oqallisigininnerup nalaani allatut ilusilimmik aalajangii-soqarsinnaanngilaq.

## Kapitali 11

*Apeqquuteqaatit aallaavigalugit oqallinnerit  
aamma Naalakkersuisunut apeqqutit*

**§ 36.** Inatsisartunut ilaasortap pisortat suliassaataat Inatsisartuni oqaluuseritinniaruniuk kii-salu Naalakkersuisunut ilaasortap tamanna pillugu nassuaateqarnissa Naalakkersui sunul-luunniit ilaasortat arlallit nassuaateqarnissaat piumasariguniuk, tamanna pisassaaq apeqquteqaatikkut Inatsisartut oqaaseqaatissaannut siunnersummiik ilaqtinnejartumik. Apeqquteqaat erseqqissumik allaganngorlugu tunniunneqassaaq Inatsisartullu Siulittaasuanut, apeqquteqaat agguanneqareerpat apeqquteqaammik Inatsisartunut nalunaaruteqartussamut, tunniunneqassalluni.

*Imm. 2.* Inatsisartut aalajangissavaat apeqquteqaat saqqummiunneqassanersoq. Oqaluuse-rinneqqaarani akuersisoqarpat apeqquteqaatip imarisaa pingarneq siulittaasup naalakkersuisunut ilaasortamut aperineqartumut, Naalakkersuisunulluunniit ilaasortanut aperineqartunut nalunaarutigissavaa. Naalakkersuisunut ilaasortaq apeqquteqaateqarfingeqartoq isumaqaruni suliassap pineqartup oqaluuserineqarnissa nunap soqutigisaanut akornutaassasoq apeqquteqaateqartoq tamanna pillugu nalunaarfigissavaa, tamatumalu kingorna apeqquteqaat atorunnaassaaq.

*Imm. 3.* Apeqquuteqaatigineqartoq oqaluuserinninneq aallartitsinnagu tunuartinnejaruni al-

lanit saqqummiunneqarsinnaanngilaq.

*Imm. 4.* Apeqquuteqaat aallaavigalugu oqallinnermi Inatsisartunut ilaasortat partiillu inatsisartut oqaaseqaatisaannut allannguutissanik siunnersuuteqarsinnaapput. Siunnersuut taa-mattoq allakkatigut naatsumik tunngavilersuutitalerlugu ataatsimiinnermik aqutsisumut nalunaa-rutigineqassaaq, oqallinnermullu ingerlanneqartumut pissusissamisoortumik attuumassute-qartuussalluni. Inatsisartut oqaaseqaatisaannut allannguutissatut siunnersuumut allannguutissatut siunnersuuteqartoqarsinnaanngilaq. Apeqquuteqaat pillugu oqallinnermi taamaalilluni inatsisartut oqaaseqaataat ataasiinnaq akuersissutigineqarsinnaavoq. Inatsisartut oqaaseqaateqarnissaannut siunnersuut ataaseq akuersissutigineqarpat, inatsisartut oqaaseqaattut siunnersuutaajunnartut ataatsimiinnermik aqutsisumut nalunaarutigineqartut, sulili taassisutigineqanngitsut, atorunnaassapput. Apeqquuteqaammik oqallisigininnerup nalaani allatut ilusilimmik aalajangiisoqarsinnaanngilaq, takukkilli §§ 50-imiit 52-mut.

### *Naalakkersuisunut apeqquitit*

**§ 37.** Inatsisartunut ilaasortaq pisortat suliassaataat pillugu paasissutissinneqarnissaminik kissaateqaruni tamanna Naalakkersuisunut apeqquititut saqqummiussinnaavaa. Apeqquut allag-anngorlugu Inatsisartut Siulittaasuannut saqqummiunneqassaaq, taassumalu apeqquut aggu-aanneqareerpat Inatsisartunut nalunaarutigissavaa. Apeqquut naatsumik erseqqissumillu ilusilerneqassaaq aammalu tunngavilersuutitaqassalluni.

*Imm. 2.* Naalakkersuisut apeqquut akissuteqarfisiginnaanagu nalunaarpata suliarinera taa-maalilluni naammassineqassaaq.

*Imm. 3.* Inatsisartut Siulittaasuata isumagissavaa Naalakkersuisut akissutaata apeqquuteqartumut ingerlateqqinnejqarnissa, taamatullu aamma apeqquutip akissutillu Inatsisartunut ilaasortanut takusassiarineqarnissa.

*Imm. 4.* Apeqquutit akissuteqartoqarnissaata tungaanut tunuartinneqarsinnaapput. Apeqquut allanit saqqummiunneqarsinnaanngilaq.

*Imm. 5.* Inatsisartut ataatsimiinnerisa piareersaasiorneqarnerannut atatillugu Inatsisartut Siulittaasoqarfiat sapaatip akunneranut ataasiarluni nalunaaquttap akunneranik ataatsimik sivi-sussusilimmik apeqquuteqarfissamik aalajangersaasinnaavoq, Inatsisartunut ilaasortat oqaatigalugu nalunaarutigeqqaarnagulu Naalakkersuisunut ingerlaannartumik akisassamik apeqquuteqarfisiginnaasaannik. Sapaatip akunneranut ataasiarluni nalunaaquttap akunneranik ataatsimik sivisussusilimmik apeqquuteqarfissami aalajangiisoqarsinnaanngilaq. Imm. 2 taamatuttaaq atorneqassaaq.

## **Kapitali 12**

### *Inatsisartut katersuuttarneri ataatsimiittarnerilu Tunngaviusut*

**§ 38.** Inatsisartut ukiuat septembarip qaammataani tallimanngornerit aappaanni aallartittar-

poq ukiullu tulliani tallimanngorneq taanna tikillugu ingerlasarluni.

*Imm. 2.* Inatsisartut ukiuata ingerlanerani Inatsisartut ikinnerpaamik marloriarlutik ileqqusumik ataatsimiittassapput.

*Imm. 3.* Inatsisartut Siulittaasuata pisariaqartileraangagu imaluunniit Naalakkersuisut Siulittaasuata piumasarigaangagu Inatsisartunulluunniit ilaasortat ikinnerpaamik affasa piumasarigaangassuk Inatsisartut piffissaagallartillugu sioqqutsisumik nalunaarfigineqareerner-  
tik tun-ngavigalugu immikkut ittumik ataatsimiittassapput. Immikkut ittumik ataatsimiinnerni suliassat immikkut ittumik ataatsimiigiaqqusinermut tunngavagineqartut kisimik Inatsisartuni oqa-luuserineqartassapput.

*Imm. 4.* Inatsisartut ukiakkut ileqqusumik ataatsimiinnerminni inatsisartut ukiuanni ileqqusumik ataatsimiinnissamik qaqgu pinissaat aalajangertassavaat.

*Imm. 5.* Naalakkersuisunut Inatsisartunullu ilaasortanit siunnersuutit Inatsisartut ukiuata naanerani inaarutaasumik akuersissutigineqarsimanngitsut atorunnaartarpuit, taamaattorli imm. 6 takuuk. Tamanna aamma atuuppoq Inatsisartunut ilaasortanit apeqquteqaatinut, Inatsisartut ukiuata naanerani inaarutaasumik suliarineqarsimanngitsunut.

*Imm. 6.* § 33, imm. 6, nr. 1 naapertorlugu Nunatta Karsiata Naatsorsuutaasa akuerineqarnissaannik siunnersuut imm. 5 apeqqutaatinnagu Inatsisartut ukiuata naanerani atorunnaarneq ajorpoq.

*Oqaluuserisassat ilusilerneqarnissaannut piumasaqaatit,  
oqaluuserisassat, piffissat oqaluuserisassanik tunniussivissat*

**§ 39.** Inatsisartut ataatsimiinneranni oqaluuserisassanut ilanngutitinniakkat oqaluuserisassanik ilusiliinissamut saqqummiussinissamullu piumasaqaatit Inatsisartut Suleriaasianni matumanii aalajangersakkat, inatsisini allani aalajangersakkat imaluunniit Inatsisartut Siulittaasoqarfiannit § 4, imm. 5 naapertorlugu aalajangerneqartut naapertorlugit suliarineqarsimasasapput.

*Imm. 2.* Oqaluuserisassanut ilanngutitinniakkat ilusiliinissamut saqqummiussinissamullu piumasaqaatinik imm. 1-mi aalajangersarneqartunik eqquutsitsinngitsut Inatsisartut Siulittaasoqarfiannit itigartitsissutigineqarsinnaapput.

**§ 40.** Oqaluuserisassat, Inatsisartut oqaluuserisassaattut ilanngutitikkumasat, kingusinnerpaamik Inatsisartut ataatsimiinnissaata pineqartup aallartinnissaa sapaatip akunnerinik tallimanik sioqqullugu piumasaqaatit naapertorlugit saqqummiunneqassapput, Inatsisartulluunniit Siulittaasuannut tunniunneqarlutik.

*Imm. 2.* Imm. 1-im i piffissaliussaq § 36 naapertorlugu apeqquteqaatit nalunaarutigineqarnerannut atuutinngilaq. § 36 naapertorlugu apeqquteqaat nalunaarutigineqarnermi kingorna siusinnerpaamik ullut suliffiusut aqqaneq-marlk qaangiutereerneranni oqaluuserisassanut ilanngunneqarsinnaavoq, taamaattorli § 41 takujuk.

**§ 41.** Immikkorluinnaq ittunik pisoqartillugu piffissaliussat Inatsisartut Suleriaasianni matumanit aalajangersakkat Inatsisartut Siulittaasoqarfiannit sanioqqunneqarsinnaapput.

**§ 42.** Siunnersuutit, nassuaatit, apeqquteqaatit apeqqutillu ilusiliinissamut piumasaqaatit naapertorlugit allaganngorlugit saqqummiussat Inatsisartulluunniit Siulittaasuannut tunniussat ullormi saqqummiunneqarfimminni tunniunneqarfimminniluunniit nalunaarsorneqartassapput. Siunnersuutit il.il., oqaaseqatigiinni siullerni taasat, ulluinnarni nal. 12.00-ip kingornagut saq-qummiussat tunniunneqartulluunniit ulluinnarmi tullermi saqqummiussatut tunniussatuluunniit nalunaarsorneqartassapput. Aamma taamaappoq siunnersuutinut il.il. arfinningornikut nallittuniluunniit saqqummiunneqartunut tunniunneqartunulluunniit tunngatillugu.

*Imm. 2.* Inatsisartut Siulittaasuata siunnersuutit il.il. saqqummiussat tunniunneqartulluunniit agguanneqarnissaat nalunaarutigineqarnissaallu pisussaaffigaa. Nalunaarutiginninneq oqaluuserisassanut ilangunneqarsinnaavoq.

**§ 43.** Inatsisartut Siulittaasoqarfiat Inatsisartut ataatsimiinnerinut oqaluuserisassatut siunner-suutaagallartumik Inatsisartunut naammaginartumik akuttussusilimmik nalunaaruteqartassaaq. Nalunaarutiginninneq allagarsiussamut innersuussinikkut pisinnaavoq.

*Imm. 2.* Taassuma saniatigut ullup Inatsisartut ataatsimiiffiata naammassinnginnerani ullormi tullianik ataatsimiiffissami oqaluuserisassat ataatsimiinnermik aqutsisumit nalunaarutigineqareertassapput.

*Imm. 3.* Ataatsimiinneq aallartereeraangat ataatsimiinnermik aqutsisup pissutissaqarluni ataatsimiinnermi oqaluuserisassat tulleriinnerat allanngortissinnaavaa imaluunniit oqaluuserisassamik ullumi pineqartumi isumaqatigiinniarnerniit peersisinnaalluni.

*Imm. 4.* Ataatsimiinnermik aqutsisoq ataatsimiinnermi oqaluuserisassanut suliassanik nu-taanik ilangussisinnaanngilaq Inatsisartut akuersissuteqarsimatinnagit.

**§ 44.** Siunnersuutit, apeqquteqaatit suliassalluunniit allat danskit naalakkersuisuunit imaluunniit Naalakkersuisunit tuaviortutut isigineqartut inatsisartut ataatsimiinneranni pineqartumi oqaluuserisassanut ilangunneqaqquillugit Naalakkersuisut Inatsisartut Siulittaasoqarfiannut qinnuteqarsinnaapput.

#### *Inatsisartut ataatsimiinneri*

**§ 45.** Inatsisartunut ilaasortat ikinnerpaamik affaat najuuppata taaseqataappatalu Inatsisartut aalajangiisinjaassuseqarput. Ilaasortaq taaseqataasinnaassaguni inimi ataatsimiiffimmi nammineerluni najuutissaaq.

*Imm. 2.* Ilaasortat nikuillutik qarasaasiatigulluunniit atortulersuutit atorlugit taasisassapput. Taamaattorli kapitalit 4 aamma 5 naapertorlugit ataatsimiititalianut il.il. ilaasortassanik qiner-sisoqartillugu ilaasortat amerlanerussutillit piumasarigaangassuk allakkatigut taasisoqartassaaq.

*Imm. 3.* Ataatsimiinnermik aqutsisoq isumaqaruni ilaasortat tamarmik isumaqatigiittut, siunnersuut taasinertaqanngitsumik akuersissutigineqartoq itigartitsissutigineqartorluunniit nalunaarutigisinnavaa. Inatsisartunulli ilaasortap kialuunniit taasisoqarnissaa piumasarisinnaavaa. Inatsisartut inatsisisaattut siunnersuutip pingajussaaneerneqarnerata naammassinerani imaluunniit aalajangiiffigisassatut siunnersuutip aappassaaneerneqarnerata naammasinerani tamatigut taasisoqartassaaq.

*Imm. 4.* Aalajangigaq oqaluuserineqarfigisamini aalajangiiffigineqartoq allanngortinneqarsinnaanngilaq.

**§ 46.** Allamik aalajangiisoqarsimatinngagu aalajangiinerit tamarmik amerlanerussuteqarnik-kut pisassapput.

*Imm. 2.* Taasinermi siunnersummut isumaqataasut akerliusullu amerlaqatigiippata siunner-suut atorunnaassaaq.

*Imm. 3.* Siunnersuutit Inatsisartut ataatsimiinnerminni inaarutaasumik aalajangeriigaat aatsaat ataatsimiinnermi tassani allanngortinneqarsinnaapput Inatsisartunut ilaasortat tamarmiusut 3/5-iisa tamanna akuersissutigipassuk.

#### *Ataatsimiinnermik aqutsineq*

**§ 47.** Inatsisartut Siulittaasuat imaluunniit tullia siulleq, aappaa, pingajuat aamma sisamaat isumaqatigiissuteqarnertik malillugu Inatsisartut ataatsimiinnerannik aqutsisassapput.

*Imm. 2.* Inatsisartut Siulittaasoqarfiannut ilaasortaq suliamik Inatsisartunut saqqummiunne-qartumik saqqummiussisuusoq imaluunniit oqaaseqartuusoq suliap oqaluuserineqarnerata na-laani ataatsimiinnermik aqutsisuusinnaanngilaq.

**§ 48.** Suleriaatsimut Ilanngussami 1-im i tulleriinnilersuineq nalunaarneqartoq malillugu isumaqatigiinniarnerit ingerlanneqartassapput. Ilanngussami allatut nalunaarsimasoqartinnagu partiip Inatsisartuni amerlanerpaanik ilaasortaatitaqartup oqaaseqartartua siulliulluni oqaase-qassaaq, tulliulluni oqaaseqassalluni partii amerlanerpaat tulliinik ilaasortaatitaqartoq il.il., partiit tamarmik oqaaseqartuusa oqaaseqarnissaasa tungaanut. Partiit marluk amerlaqatigin-nik ilaasortaatitaqartillugit Inatsisartunut qinersinermi kingullermi partiip amerlanernik qinerne-qartup oqaaseqartartua siulliulluni oqaaseqassaaq.

*Imm. 2.* Oqaaseqarumasoq kinaluunniit ataatsimiinnermik aqutsisumut saaffiginnittassaaq, taassumalu Inatsisartunut ilaasortat oqaaseqarumallutik saaffiginninneri malillugit tulleriaar-lugit oqaaseqartittassavai. Ataatsimiinnermik aqutsisoq partiit oqaaseqartuinut, oqaluuserisat aalajangersimasut naammassillugit oqaluuserineqarnissaannut kiisalu Inatsisartunut ilaasortat arlaata naatsumik oqaaseqarniarluni kissaateqarneranut atatillugu immikkut aalajangiisinnavoq. Ataatsimiitaliami ikinnerussuteqartut oqaaseqartuat, ikinnerussuteqartut ilaasortamik ataasiinnarmilluunniit inuttaqaraluarpata, oqaaseqartutut isigineqassaaq.

*Imm. 3.* Inatsisartuni oqallinnermi suleriaatsimut Ilanngussami 1-im oqaaseqarnermi piffis-

saliussatut nalunaarsukkat atuutissapput.

**§ 49.** Ilaasortat Naalakkersuisunullu ilaasortat Inatsisartut oqaluttarfianniit oqaaseqartas-sapput. Taamaattorli malitsigisaanik oqaaseqaatit malitsigisaanillu apequteqaatit ataatsimiit-tarfimmi oqaluttup issivianit saqqummiunneqartassapput. Ataatsimiinnermik aqutsisup kisimi oqaaseqarnerit kipitissinnaavai.

*Imm.* 2. Ilaasortat Naalakkersuisunullu ilaasortat ataatsimiinnermik aqutsisup ataatsimiin-nermi pissuserissaarnissaq pillugu aalajangiineri tamaasa naalattassavaat aammalu ataatsimi-innermi pissuserissaarnissaq allanit malinneqanngikkaangat ataatsimiinnermik aqutsisoq ilisimatittassallugu.

*Imm.* 3. Ataatsimiinnermik aqutsisup ilaasortaq Naalakkersuisunulluunniit ilaasortaq ata-atsi-miinnermi pissuserissaarnissamik siusinnerusukkut peqquneqaraluarluni naalasseriitsoq oqaa-seqarniarluni kissaataanik itigartissinnaavaa.

*Imm.* 4. Ataatsimiinnermi eqqissiviilliortoqalerpat ataatsimiinnermik aqutsisup ataatsimii-n-neq unitsissavaa pisariaqartikkuniullu kinguartissinnaallugu.

*Imm.* 5. Inatsisartut pissuserissaarnissaq pillugu maleruagassaannik ilaasortaq annertuumik sanioqqutsippat, ullut ataatsimiiffiusut 14-it tikillugit ilaasortaq Inatsisartut ataatsimiinnerinit Inatsisartut Siulittaasoqarfiata peqataasussaajunnaarsissinnaavaa. Peqataasussaajunnaarsin-neqarnermi nalaani ilaasortaq Inatsisartut ataatsimiititaliaasa ataatsimiinnerini aammattaaq peqataasinnaanngilaq. Ilaasortaq peqataasussaajunnaarsitaasoq piffissami peqataasussaajun-naarnermini aningaasarsiaqassanngilaq.

**§ 50.** Ataatsimiinnermik aqutsisup imaluunniit Inatsisartunut ilaasortap siunnersuutigisin-naavaa oqaluuserinninneq naammassineqassasoq, tamannalu Inatsisartut oqaluusereqqinnagu aalajangiiffigissagaat.

**§ 51.** Inatsisartunut ilaasortap suliap suulluunniit oqaluuserineqarnerani siunnersuutigisin-naavaa oqaluuserisassamut tullermut ingerlaqqittoqassasoq. Siunnersuut taamaattoq ataatsi-miinnermik aqutsisumut nalunaarutigineqassaaq, allaganngorlugulu tunngavilersummik naatsumik ilaqtinnejqaruni. Tamanna taasinikkut aalajangiiffigineqassaaq. Siunnersuut akuerineqarpat oqaluuserisaq pineqartoq atorunnaassaaq.

**§ 52.** Oqaluuserisassamut tullermut ingerlaqqittoqarnissaanik siunnersuut tunngavilersuum-migut Naalakkersuisunik imaluunniit Naalakkersuisunut ilaasortamik tatiginninnginnermik tunngaveqartinneqarpat siunnersuut taamaattoq aatsaat oqaluuserineqartumut pissusissami-soortumik attuumassuteqaruni oqaluuserineqarsinnaavoq.

*Imm.* 2. Taamatulli oqaluuserisassanngortitsineq pisinnaanngilaq Inatsisartut ammaanersior-lutik oqallinneranni.

**§ 53.** Inatsisartut ataatsimiinneri tamanut ammasuupput. Taamaattorli Inatsisartut aalajangersinnaavaat suliassat ataasiakkaat matoqqasumik ataatsimiinnermi oqaluuserineqassasut. Suliassap matoqqasumik suliarineqarnissaanut tunngavissaqarnersoq pillugu apeqquq matoqqasumik oqaluuserineqassaaq, tamanna Inatsisartut ataatsimiinnermilluunniit aqutsisup aala-jangerpassuk.

*Imm. 2.* Taamaattorli Inatsisartunit nersornaasiinissat taamaaqataannillu tunniussinerit tamatigut matoqqasumik ataatsimiissutigineqartassapput. § 24 naapertorlugu siunnersuisoqatigiiffinnut, aalajangiisartutut ataatsimiititalianut il.il. sinniisussanik qinersinerit taamatuttaaq tamatigut matoqqasumik ingerlanneqartassapput.

**§ 54.** Inatsisartuni isumaqatiginninniarnerit kalaallisut ingerlanneqassapput. Inatsisartunut Naalakkersuisunullu ilaasortat kalaallit oqaasiinik atuinngitsut danskisut oqalussinnaatitaapput, oqaasiilu kalaallisuumut nutserneqassallutik taamatuttaarlu isumaqatigiinniarnerit danskisut aamma malinnaaffigineqarsinnaassallutik.

**§ 55.** Inatsisartut ataatsimiissutaat Inatsisartut Siulittaasoqarfiata nakkutigisaanik kalaallisut danskisullu tamanut saqqummiunneqartassapput. Saqqummiussineq Inatsisartut nittartagaa-tigut pisassaaq.

#### *Qaaqqusatut oqaaseqartitsinerit*

**§ 55 a.** Siulittaasoqarfiup isumaqatigilluni nunani allani naalakkersuisut, inatsisartut nunallu tamalaat akornanni suliniaqatigiiffiit il.il. sinniisaat nuimasut Nuummuit tikeraarnerinut atatil-lugu Inatsisartut oqaluttarfianniit Inatsisartunut Naalakkersuisunullu oqaaseqaqqullugit qaaq-qusinnaavaat.

#### *Nammeneq atuuffiit inuussutissarsiutillu pillugit paasissutissat*

**§ 56.** Qanoq annertutigisumik qanorlu ilusilimmik Inatsisartunut ilaasortat namminneq atuuffitik inuussutissarsiutillu pillugit Inatsisartut atuuffinnik nalunaarsuiviannut paasissutissiisarnissaannut malittarisassanik Suleriaatsimut Ataatsimiititaliaq aalajangersaassaaq.

*Imm. 2.* Inatsisartunut ilaasortat qinigaasinnaanermik akuerineqarnerata kingorna qaammat ataaseq qaangiutsinnagu Inatsisartut atuuffinnik nalunaarsuiviannut paasissutissanik tunniussapput. Paasissutissanik tunniussinermi immikkut immersuivissaq ilaasortat atussavaat.

*Imm. 3.* Sinniisussat piffissamut aalajangersimanngitsumut Inatsisartunut ilaasortaqt taarser-lugu ilaasortanngortut Inatsisartunut ilaasortanngornermik kingorna ullut 30-it iluanni paasis-sutissanik tunniussissapput. Pisussaaffik tamanna aamma atuuppoq sinniisussanut piffissamut sivikinnerpaamik ullunut 30-inut Inatsisartunut ilaasortaqt taarserlugu ilaasortanngorallar-tunut.

*Imm. 4.* Inatsisartut atuuffinnik nalunaarsuiviati Inatsisartut nittartagaanni tamanit taku-

neqar-sinnaassaaq.

## **Kapitali 13**

*Tunuuarneq, sulinngiffeqarneq il.il.*

**§ 57.** Naalakkersuisunut ilaasortaq Naalakkersuisunit tunuarniuteqarpat Inatsisartut aalajangissavaat qinnuteqaat akuerineqarsinnaanersoq.

*Imm. 2.* Naalakkersuisunut ilaasortaq peqqilliornini allamilluunniit pingaarutilimmik pissuteqartumik sulinngiffeqarnissamik qinnuteqarpat Naalakkersuisut Siulittaasuata aalajangissaavaa qinnuteqaat akuerineqarsinnaanersoq. Naalakkersuisut Siulittaasuut peqqilliornini allamilluunniit pingaarutilimmik pissuteqartumik sulinngiffeqarnissamik qinnuteqarpat Inatsisartut aalajangissavaat qinnuteqaat akuerineqarsinnaanersoq. Inatsisartut ataatsimiinnerata avataani qinnuteqartoqarpat Inatsisartut Siulittaasoqarfiata Inatsisartut sinnerlugit aalajangiissaavaa qinnuteqaat akuerineqarsinnaanersoq.

*Imm. 3.* Naalakkersuisunut ilaasortaq sulinngiffeqarallarnissaminik akuerineqarpat imaluunniit Inatsisartut ataatsimiinneranni peqataasinnaanngikkallarpat Naalakkersuisut Siulittaasuata Inatsisartut Siulittaasuannut nalunaarutigissavaa taassuma suliassaqarfii kimit isumagineqarallasanersut.

**§ 58.** Inatsisartunit sulinngiffeqarneq peqataasinnaanngikkallarnerlu kiisalu sinniisussamik ataatsimiigiaqqusisarneq pillugit Inatsisartut malittarisassaat suleriaatsimut matumunnga Ilanngussami 2-mi aalajangersarneqarput.

*Imm. 2.* Inatsisartunut ilaasortaq Inatsisartunit tunuarumalluni qinnuteqaateqarpat Inatsisartut aalajangissavaat qinnuteqaat akuerineqassanersoq. Inatsisartunut qinersinermi qinersinermik allattaavimmi sinniisussat allattorsimaffianni ilanngunneqarsimalluni sinniisussaq qinikkatut sulinnginnissaminik qinnuteqarpat qinnuteqaat akuerineqarsinnaanersoq Inatsisartut aalajangissavaat. Qinnuteqaat Inatsisartut ataatsimiinnerata avataatigut saqqummiuneqarpat Inatsisartut sinnerlugit Inatsisartut Siulittaasoqarfiata aalajangissavaa qinnuteqaat akuerineqarsinnaanersoq.

## **Kapitali 14**

*Inatsisartut allaffeqarfiat Inatsisartullu ataanni suliffeqarfiit*

**§ 59.** Inatsisartuni tjenestemanditut atorfillit sulisullu allat akissaateqarfiit 39-anni tassanganluunniit qaffasinnerusumi inissisimasut Inatsisartut Siulittaasoqarfiannit atorfinitsinneqarlutillu soraarsinneqartassapput.

*Imm. 2.* Inatsisartut allaffeqarfianni sulisut allat Inatsisartut Siulittaasuannit imaluunniit Siulittaasup taamaaliornissamut piginnaatitaanit atorfinitsinneqarlutillu soraarsinneqartassapput.

*Imm. 3.* Inatsisartut Ombudsmandiata sulisuni atorfinitsillugillu soraarsittassavai.

*Imm. 4.* Inatsisartut Allattoqarfianni sulisut aammalu Inatsisartut Ombudsmandianni sulisut akissarsiaat Inatsisartut Siulittaasuannit aalajangersarneqartassapput.

*Imm. 5.* Tjenestemandit Inatsisartut suliffeqarfiini atorfillit pillugit Inatsisartut inatsisaanni nr. 4-mi, ulloq 20. maj 1998-imeersumi, § 50 naapertorlugu Inatsisartut Allattoqarfianni tjenestemandit aamma Inatsisartut Ombudsmandianni tjenestemandit soraernerussutisi-a-qartinne-qassapput maleruagassat Namminersorlutik Oqartussani tjenestemandinut atuuttut malillugit.

**§ 60.** Inatsisartut missingersuutissaattut siunnersuutit, missingersuutinik Inatsisartut Ombudsmandiannit pissarsianik ilallit, sulisoqarnikkut killissarititaasussatut kissaatigineqartunik pisariaqarnera malillugu nassuaatitaqartussat, Inatsisartut Siulittaasoqarfiannit suliarineqartassapput. Inatsisartut Siulittaasoqarfiat Inatsisartut Suleriaasiannut Ataatsimiititaliamut inassuteqaateqartassaaq, taassumalu siunnersuut piffissaalluarallartillugu aningaasallu ukiuannut tulliuttumut Inatsisartut aningaasanut inatsisissaattut siunnersuummut ilanngunneqarsinnaan-ngorlugu naammassillugu suliarissavaa. Missingersuutissatut siunnersuut Inatsisartut Suleri-aasiannut Ataatsimiititaliap akuerisaa aningaasat ukiuannut tulliuttumut inatsisartut aningaa-sanut inatsisissaattut siunnersuutip suliarineqarnissaanut atugassanngorlugu Naalakkersuisut Siulittaasuannut ingerlatinneqassaaq, inassuteqaatigalugu aningaasaliissutissat Inatsisartunut tunngasut katinneri inatsisissatut siunnersuummut ilangussami 1-imi ilanngunneqassasut, missingersuutillu katitigaaneri aningaasanut inatsisissatut missingersuutit ilanngussanut ilanngunneqassasut.

*Imm. 2.* Taamatuttaaq inatsisartut ilassutitut aningaasaliissutissaattut siunnersuummi Inatsisartunut tunngatillugu ilanngutitinniakkat, Inatsisartut Ombudsmandiata ilanngutitikkumasaanik pissarsianik ilallit, Inatsisartut Siulittaasoqarfiannit suliarineqartassapput. Inatsisartut Siulittaasoqarfiat Inatsisartut Suleriaasiannut Ataatsimiititaliamut inassuteqaateqartassaaq, taassumalu siunnersuut piffissaalluarallartillugu aningaasallu ukiuanni pineqartumi inatsisartut ilassutitut aningaasaliissutissatut inatsisissaattut siunnersuummut ilanngunneqarsinnaanngorlugu naammassillugu suliarissavaa.

## Kapitali 15

### *Aalajangersakkat allat*

**§ 61.** Inatsisartunut nutaamik qinersinertaqanngitsumik Inatsisartut Naalakkersuisut atuukkunnaarsippatigit Naalakkersuisunillu nutaanik qinersillutik piffissap qinigaaffiup sinneranut Inatsisartut nutaamik inissitsitissallutik aalajangersinnaapput.

*Imm. 2.* Imm. 1 malillugu inissitsiternermi nutaamik qinersisoqareernermi inissitsiterneq pillugu aalajangersakkat atorneqassapput, taamaattorli allannguutinik Inatsisartut aalajangi-gaannik allannguuteqartinneqarsinnaallutik.

**§ 62.** Inatsisartut allagaataasa isumannaatsumik paarineqarnissaat Inatsisartut Siulit-

taasoqarfiaa isumagissavaa.

## **Kapitali 16** *Atuutilersitsineq*

**§ 63.** Suleriaasissaq manna ulloq 1. december 2010 atuutilerpoq.

*Imm. 2. Kalaallit Nunaanni Inatsisartut Suleriaasiat 4. november 1999-imeersoq ulloq 23. maj 2000-imi, ulloq 19. oktober 2001-imi, ulloq 8. april 2003-mi, ulloq 28. november 2008-mi aamma ulloq 9. april 2010-mi allannguutitalik suleriaasissap matuma atuutilernera peqatigalugu atuukkunnaarsinneqarpoq.*

---

22. september 2011 Inatsisartut suleriaasiata allanngortinneqarnerani § 9, imm. 1-ip oqaaser-talerneqarnera allanngortinneqarpoq.

Suleriaatsip allannguutaa imaattumik atuutilersitsinermut aalajangersagartaqarpoq:

### § 2

Allannguutit akuersissutigineqarunik ingerlaannaq atuutilissapput, tamatumalu kingorna Inatsisartuni ataatsimiititaliat tamarmik nutaamik pilerseqqinnejarlutik.

---

29. maj 2012 Inatsisartut suleriaasiata allanngortinneqarnerani § 17, imm. 4-p aamma § 38, imm. 1-ip oqaasertalerneqarneri allanngortinneqarput.

Suleriaatsip allannguutaa imaattumik atuutilersitsinermut aalajangersagartaqarpoq:

### § 2

Allannguutit 1. januar 2013 atuutilerput.

---

28. maj 2015 Inatsisartut Suleriaasiata allanngortinneqarneratigut §§-it 1, 4, 10, 11, 14, 19, 36, 38, 40, 43 aamma 48 oqaasertalerneqarneri allanngortinneqarput, kapitalip 13-ip oqaaser-talerneqarnera allanngortinneqarpoq, pifffissat oqaaseqarfiusinnaasut pillugit ilanngussaq allan-ngortinneqarluni ilanngussamillu nutaamik (sulinngiffeqarallartarneq najuutinngikkal-lartarnerlu kiisalu sinniisussamik aggersaasarneq pillugit ilanngussaq 2) ilanngussisoqarluni.

Suleriaatsip allannguutaa imaattumik atuutilersitsinermut aalajangersagartaqarpoq:

## § 2

Allannguutit ulloq 1. juli 2015 atuutilissapput.

## **ILANNGUSSAQ 1**

### **OQAASEQARNISSAMUT PIFFISSARITITAT**

(piffissaq sivisunerpaaamik oqaaseqarfiusinnaasoq minuttingorlugu)

#### **Inatsisartut inatsisissaannut siunnersuutit, aningaasanut inatsit pinnagu:**

##### **Siullermeerinninneq**

Saqqummiussineq ..... 10 min.  
Naalakkersuisut akissuteqaataat ..... 10 min.  
Partiit oqaaseqarneri ..... 15 min. (Partii ataaseq apeqquutit 3)  
Malitsitut oqaaseqarnerit akissuteqarnerillu ..... 2 min.  
Siunnersuuteqartup naggataarutaasumik oqaaseqarnera ..... 5 min. (Partii ataaseq apeqquutit 2)  
Naalakkersuisut naggataarutaasumik oqaaseqarnerat ..... 15 min. (Partii ataaseq apeqquutit 2)  
(Apeqquutit akissutillu tamarmik minuttit marluk)

##### **Aappassaaneerinninneq**

Naalakkersuisut akissuteqaataat ..... 10 min.  
Partiit oqaaseqarneri ..... 15 min. (Partii ataaseq apeqquutit 3)  
Malitsitut oqaaseqarnerit akissuteqarnerillu ..... 2 min.  
Siunnersuuteqartup naggataarutaasumik oqaaseqarnera ..... 5 min.  
Naalakkersuisut naggataarutaasumik oqaaseqarnerat ..... 10 min. (Partii ataaseq apeqquutit 2)  
(Apeqquutit akissutillu tamarmik minuttit marluk)

##### **Pingajussaaneerinninneq – Allannguutissatut siunnersuuteqartoqanngippat**

Naalakkersuisut akissuteqaataat ..... 5 min.  
Partiit oqaaseqarneri ..... 2 min. (Partii ataaseq apeqquutit 3)  
Malitsitut oqaaseqarnerit akissuteqarnerillu ..... 2 min.  
Siunnersuuteqartup naggataarutaasumik oqaaseqarnera ..... 5 min.  
Naalakkersuisut naggataarutaasumik oqaaseqarnerat ..... 5 min. (Partii ataaseq apeqquutit 2)  
(Apeqquutit akissutillu tamarmik minuttit marluk)

##### **Pingajussaaneerinninneq – Allannguutissatut siunnersuuteqartoqarsimappat**

Naalakkersuisut akissuteqaataat ..... 5 min.  
Partiit oqaaseqarneri ..... 10 min. (Partii ataaseq apeqquutit 3)  
Malitsitut oqaaseqarnerit akissuteqarnerillu ..... 2 min.  
Siunnersuuteqartup naggataarutaasumik oqaaseqarnera ..... 5 min.  
Naalakkersuisut naggataarutaasumik oqaaseqarnerat ..... 5 min. (Partii ataaseq apeqquutit 2)  
(Apeqquutit akissutillu tamarmik minuttit marluk)

**Aningaasanut inatsisissamut siunnersuut:**

Oqaaseqarnissamut piffissarititat inatsisartut inatsisissaannut siunnersuutit suliarineqarnerini-ni piffissarititat assigalugit, ukuli allaanerussutaallutik:

**Siullermearinninneq**

Saqqummiussineq . . . . .	20 min.
Partiit oqaaseqarneri . . . . .	30 min.

**Aappassaaneerinninneq**

Naalakkersuisut akissuteqaataat . . . . .	20 min.
Partiit oqaaseqarneri . . . . .	30 min.

**Pingajussaaneerinninneq - Allannguutissatut siunnersuuteqartoqanngippat**

Partiit oqaaseqarneri . . . . .	4 min.
---------------------------------	--------

**Pingajussaaneerinninneq - Allannguutissatut siunnersuuteqartoqarsimappat**

Naalakkersuisut akissuteqaataat . . . . .	10 min.
Partiit oqaaseqarneri . . . . .	20 min.

**Inatsisartut aalajangernissaannut siunnersuutit, Nunatta Karsiata Naatsorsuutai eqqassanngikkaanni:****Siullermearinninneq**

Saqqummiussineq . . . . .	5 min.
Naalakkersuisut akissuteqaataat . . . . .	5 min.
Partiit oqaaseqarneri . . . . .	15 min. (Partii ataaseq apeqquutit 3)
Malitsitut oqaaseqarnerit akissuteqarnerillu . . . . .	2 min.
Naalakkersuisut naggataarutaasumik oqaaseqarnerat . . . . .	5 min. (Partii ataaseq apeqquutit 2)
Siunnersuuteqartup naggataarutaasumik oqaaseqarnera . . . . .	5 min. (Partii ataaseq apeqquutit 2)
(Apeqquutit akissutillu tamarmik minuttit marluk)	

**Aappassaaneerinninneq**

Naalakkersuisut akissuteqaataat . . . . .	20 min.
Oqaaseqarnissamut piffissarititat inatsisartut inatsisissaattut siunnersummik pingajussaane-e-rinninnertut ipput.	

**Nunatta Karsiata Naatsorsuutai pillugit Inatsisartut aalajangernissaannut siunnersuut:**

Oqaaseqarnissamut piffissarititat inatsisartut aalajangernissaannut siunnersuutit suliarineqarnerinini piffissarititat assigalugit, ukuli allaanerussutaallutik:

### **Siullermeerinninneq**

Partiit oqaaseqarneri ..... 30 min.

### **Aappassaaneerinninneq**

Partiit oqaaseqarneri ..... 4 min.

### **Nassuaatit:**

Oqaaseqarnissamut piffissarititat inatsisartut inatsissaannut siunnersuutit siullermeerneqarnerisut ipput.

### **Ammaanersiorluni oqallinneq:**

Partiit oqaaseqarneri ..... 30 min. (Partii ataaseq apeqqutit 3)

Malitsitut oqaaseqarnerit akissuteqarnerillu ..... 2 min.

Naalakkersuisut naggataarutaasumik oqaaseqarnerat ..... 20 min. (Partii ataaseq apeqqutit 2)

(Apeqqutit akissutillu tamarmik minuttit marluk)

### **Apeqquuteqaat aallaavigalugit oqallinnerit:**

Saqqummiussineq ..... 10 min.

Naalakkersuisut akissuteqaataat ..... 10 min.

Partiit oqaaseqarneri ..... 10 min. (Partii ataaseq apeqqutit 3)

Malitsitut oqaaseqarnerit akissuteqarnerillu ..... 2 min.

Naalakkersuisut naggataarutaasumik oqaaseqarnerat ..... 5 min.

Apeqquuteqaateqartup naggataarutaasumik oqaaseqarnera ... 5 min.

(Apeqqutit akissutillu tamarmik minuttit marluk)

### **Tatiginninnginnermik tunngavilimmik oqaluuserisassanngortitsineq:**

Tatiginninnginnermik tunngavilersukkamik saqqummiussineq ..... 5 min.

Naalakkersuisut oqaaseqarnerat ..... 5 min.

(Tamatuma kingorna ataatsimiinneq minuttni 30-ni

ataatsimiinnermilluunniit aqtsisup erseqqinnerusumik

aalajangiinera malillugu unitsikkallarneqarsinnaavoq)

Allannguutissatut siunnersuutaajunnartumik saqqummiussineq

(Tatiginninnginnermik pinngitsoortitsiniarluni oqaluuserisassatut siunnersuut) ..... 5 min.

Oqaaseqartartut (partii ataaseq apeqqutit marluk) ..... 5 min.

Naalakkersuisut inaarutaasumik oqaaseqarnerat (partii ataaseq apeqqutit marluk) ..... 5 min.

(Apeqqutit akissutillu tamarmik 2 minutter)

### **Akunnerit apeqquteqarfiusinnaasut:**

Apeqquuteqarneq ..... 2 min.

Naalakkersuisut akissuteqarnerat ..... 2 min.

Malitsitut apeqqutit ..... 1 min.  
Malitsitut apeqqutinut akissuteqarneq ..... 1 min.  
(Akunneq ataaseq qaangiukkaangat akunneq apeqquteqarfiusinnaasoq naammassineqartarpoq  
kingulliulluni apeqqutigineqartup akineqarneratigut)

Immikkut ittumik akunnerit apeqquteqarfiusinnaasut, assersuutigalugu akunnerit  
apeqquteqarfiusinnaasut Naalakkersuisut Siulittaasuata partiit allat oqaaseqartartuinit aper-  
sorneqartarneri, ingerlanneqartarneri eqqarsaatigalugit piffissat oqaaseqarfiusinnaasut pillugit  
malittarisassanik allanik Siulittaasoqarfik aalajangersaasinnaavoq.

Siulittaasoqarfip oqaluuserisassatut immikkoortuni tamani oqaaseqarnissamut piffissariti-  
tatut aalajangersakkat sanioqqunneqarnissaat akuerisinnaavaa, suliap annertussusiata tamanna  
pisariaqartippagu. Sivisunerusumik oqaaseqarniaraanni tamanna ataatsimiinnissaq pineqartoq  
kingusinnerpaamik ulluni marlunnik (2) sioqqullugu saaffiginnitoqartariaqarpoq.

## **ILANNGUSSAQ 2**

### **Inatsisartunit sulinngiffeqarallartarneq najuutinngikkallartarnerlu kiisalu sinniisussamik aggersaasарнеq pillugit Inatsisartut malittarisassaat**

Inatsisartunut Naalakkersuisunullu il. il. ilaasortat aningaasarsiaqartitaanerat il. il. pillugit Inatsisartut inatsisisaat nr. 22, 18. december 2003-meersoq (ningaasarsiaqartitaaneq pillugu inatsit), kingusinnerusukkut allanngutai ilanngullugit, kiisalu Inatsisartut suleriaasianni § 58, imm. 1, malillugit aalajangersarneqarpoq:

*Ataatsimeeqataasussaatitaaneq*

**§ 1.** Inatsisartut Naalakkersuisullu pillugit Inatsisaanni § 4, imm. 1 naapertorlugu Inatsisartunut ilaasortaaneq inuiaqatigiinnit toqqagaanikkut suliassiissutitut pisussaaffiuvoq.

*Imm. 2.* Najoqputassiami matumani malittarisassat malillugit Inatsisartunut ilaasortatut atuuffimmit sulinngiffeqarallarnissaq najuutinngikkallarnissarlu Inatsisartut Siulittaasoqarfiannit akuersissutigineqartussaavoq.

*Aningaasarsiaqaatigalugu sulinngiffeqarallarneq*

**§ 2.** Inatsisartunut ilaasortaq napparsimanermik pissuteqartumik, najuutinnginnissaalu ullorsiutini ullut 14-it sinnerlugit sivisussuseqarnissaa ilimagineqarpat, atuuffimininit najutin-ngikkallarnissamut pissutissaqavippat ilaasortaq sulinngiffeqarallarnissamut akuerineqarsinnaavoq.

*Imm. 2.* Naartunermut, erninermut meeravissiartaarnermulluunniit atatillugu Inatsisartunut ilaasortaq sulinngiffeqarallarnissamut akuersissummik tunineqarsinnaavoq, kisianni tamanna

malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

*Imm. 3.* Qanigisap toqukkut qimاغunnerani perululluniluunniit napparsimanerani Inatsisartunut ilaasortaq sulinngiffeqarallarnissamut akuerineqarsinnaavoq, kisianni tamanna malittarisassat Namminersorlutik Oqartussat tjenestemandiinut qaqugukkulluunniit atuuttut malillugit.

*Imm. 4.* Qanigisap toquneranut perulunnartumilluunniit napparsimaneranut atatillugu malittarisassat Namminersorlutik Oqartussat tjenestemandiinut qaqugukkulluunniit atuuttut malillugit akiliunneqarluni angalasoqarsinnaavoq.

*Imm. 5.* Imm. 1-im i taaneqartumik imaluunniit imm. 2-3-milu taaneqartunik pisoqartillugu akornusuittoqarnera pillugu Inatsisartunut ilaasortamut uppernarsaammik Inatsisartut Siilit-taasoqarfiat piumasaqaateqarsinnaavoq.

#### *Aningaasarsiaqaataanngitsumik sulinngiffeqarallarneq*

**§ 3.** Inatsisartunut ilaasortaq piffissami Naalakkersuisutut, Folketingimut ilaasortatut komunalbestyrelsimulluunniit, tassani aamma borgmesteritut viceborgmesteritullu, atuuffimmik paarsaqarniarluni sulinngiffeqarallarnissamut akuerineqarsinnaavoq.

*Imm. 2.* Imm. 1 malillugu akuerineqartumik sulinngiffeqarallarnermi ilaasortaq aningaasar-siaqaranilu aningaasartuutinut tapisiaqassanngilaq, soorlu aamma piffissami sulinngiffeqarfiusumi soraarnerussutisiaqalernissamut ilaasortajunnaarneersiuteqalernissamullu piffissamik katersisoqarsinnaanngitsoq.

**§ 4.** Pisuni immikkorluinnaq ittuni §§ 2-mi 3-milu taaneqartut saniatigut pissuteqarluni Inatsisartunut ilaasortaq sulinngiffeqarallarnissamut akuerineqarsinnaavoq, tamanna namminersorluni ingerlatamini suliassamik nukingernartumik suliassanilluunniit allanik nukin-gernartunik aallussinissaa pisariaqarluinnartutut isigineqarpat.

*Imm. 2.* Imm. 1, malillugu sulinngiffeqarallarnissamut akuersissuteqarnissamut sinniisus-samik aggersaanermi aningaasartuutinik Inatsisartunut ilaasortap akiliuteqarnissaa pi-umasaqaa-tigineqarsinnaavoq.

*Stk. 3.* Imm. 1 malillugu akuerineqartumik sulinngiffeqarallarnermi ilaasortaq aningaasarsi-aqaranilu aningaasartuutinut tapisiaqassanngilaq, soorlu aamma piffissami sulinngiffeqarfiusumi soraarnerussutisiaqalernissamut ilaasortajunnaarneersiuteqalernissamullu piffissamik katersisoqarsinnaanngitsoq.

#### *Najuutinngikkallarneq*

**§ 5.** Inatsisartunut ilaasortaq sulinngiffeqarallarnissamut akuerineqarsimanngitsoq atuuffimminillu isumaginninnissaminut akornuserneqarallartoq, tamanna pillugu najuutinnginnissallu qanoq sivisutiginissaa ilimagineqarnersoq paassisutissiissutigalugu erngerluni Siilit-

taasoqarfimmut nalunaaruteqassaaq.

*Imm. 2.* Ilaasortap najuussinnaanngitsup najuutinnginnerup qanoq sivisutiginissaata qaqugu-lu qaangiunnissaata ilimagineqarnera pillugu Inatsisartut Siulittaasoqarfiat ingerlaavartumik paasitittassavaa. Ilaasortap tamatuma saniatigut kingullermik nalunaaruteqarnermiit kingusinnerpaamik ullorsiutini ullut 14-it qaangiutinnginnerini najuutinnginnerup killiffia pil-lugu Inatsisartut Siulittaasoqarfiat paassisutississavaa.

**§ 6.** § 5 malillugu najuutinngikkallarneq ilaasortap napparsimaneranik pissuteqarpat, najuutinngikkallarnerullu ullorsiutini ullut 14-it sinnerlugit sivisutiginissaal ilimagineqarpat, taava ilaasortaq sulinngiffeqarallarnissamik qinnuteqassaaq.

**§ 7.** § 5 malillugu najuunnissamut akornuserneqarneq napparsimanermik pissuteqavissumil-luunniit najuunnissamut akornuserneqarnermik pissuteqarpat, § 5-ilu naapertorlugu piffissa-gallartillugulu nalunaaruteqartoqarlunilu ilisimatissuteqartoqarpat, najuutinnginnej akueri-neqartutut isigineqassaaq, Inatsisartut Siulittaasoqarfiat allamik nalunaanngippat.

*Imm. 2.* Imm. 1-im taaneqartutut ilumut akornusuttoqarnera pillugu upternarsaammik Inatsisartut Siulittaasoqarfiat piumasaqaateqarsinnaavoq.

**§ 8.** Pisunut § 7-im taaneqartutut ittuunngitsunut atatillugu najuutinngikkallarnissamut Inatsisartut Siulittaasoqarfiat akuersissuteqarsinnaavoq, tamanna Inatsisartunut ilaasortap napparsimaneranut pissutissaqavissumilluunniit akornuserneqarluni najuutinnginneranut assersunneqarsinnaasumik pingaaruteqartutut pisoq Siulittaasoqarfipalilerpagu. Aalaja-ngersagaq taanna malillugu akuersissut taamaallaat siumut isigisumik nalunaarutigineqarsin-naavoq.

*Allaffissornikkut aalajangersakkat il.il.*

**§ 9.** Najoqqutassiaq taanna malillugu najuutinnginnissamut nalunaarutit sulinngiffeqarallarnissamullu qinnuteqaatit Inatsisartut Siulittaasoqfiannut, qanoq ilusiliinissamik kingusin-nerpaamillu tunniussinissamut killiliinissamut sukumiinerusunik aalajangersaasinnaasumut, tunniunneqassapput.

**§ 10.** Inatsisartut Siulittaasoqarfata aalajangersinnaavaa Inatsisartut Allattoqarfiat najoqqutassiami matumani § 2, imm. 4 aamma § 15 malillugit sulinngiffeqarallarnissamut najuutinngikkallarnissamullu kiisalu aningaasartuuteqarnermut tapisiaqarsinnaanermut akuersissuteqarsinnaasoq, tamanna nalunaarutip qinnuteqaatillu qularinissaanut tunngavissaqanngitsutut Allattoqarfipalilerpagu. Inatsisartunulli ilaasortap akuersissummik naammaginartumik sivisussusilimmik nalunaarfigineqanngitsup, suliap Inatsisartut Siulittaasoqfiannut palileroqqitassanngorlugu saqqummiunneqaqqinnissaa piumasariuaannarsinnaavaa.

**§ 11.** Inatsisartunut ilaasortap sulinngiffeqarallartarnerisa najuutinngikkallartarnerisalu kisitsisitigut nalunaarsorneqarneri, Inatsisartunut ilaasortat ataasiakkaat namminerisamik inuuneqarnissamut piginnaatitaaffiinik ataqqinnilluni mianersuussisumik ilusilerlugit, Inatsisartut ukiumoortumik nalunaarutaannut ilanngunneqartassapput.

*Sulinngiffeqarallarnermi najuutinngikkallartarnermilu aningaasarsiat*

**§ 12.** Aatsaat sulinngiffeqarallarnissaq § 2 malillugu akuersissutigineqarsimappat, Inatsisartunut ilaasortaq sulinngiffeqarnermini aningaasarsianik aningaasartuuteqarnermullu tapisianik pisartagaqarsinnaavoq.

**§ 13.** Aatsaat pisuni najuutinngikkallarnissaq §§-it 7, aamma 8, naapertorlugit akuersissutigineqarsimagaangat, Inatsisartunut ilaasortaq aningaasarsianik aningaasartuuteqarnermullu tapisianik pisartagaqarsinnaavoq.

*Sinniisussamik aggersaasarneq*

**§ 14.** Ilaasortaq sulinngiffeqarallarnissamut akuerineqarsimappat allatulluunniit Inatsisartut taakkuluunniit ataatsimiitaliaasa ataatsimiinnerinut pissutissaqavilluni najuunnissaminut akornuserneqarsimappat, partii kattusseqatigiilluunniit Inatsisartunut ilaasortap qinigaanermini tunuliaqtigisaa, Inatsisartunut ilaasortap sinniisussaanik aggersaanissamik Inatsisartut Siulittaasoqarfiannut qinnuteqarsinnaavoq.

*Imm. 2.* Inatsisartunut ilaasortaq toqukkut qimagussimappat, nammineersinnaassusiagaasimappat Inatsisartuniilluunniit tunuarsimappat, taava Inatsisartut Siulittaasuat, tamatumunnga qinnutiqaateqartoqanngikkaluartoq, Inatsisartunut ilaasortap pineqartup sinniisussaa katersuunnermut pisumut tullermulluunniit aggersassavaa. Inatsisartunut ilaasortap qinigaasinnameassutsi annaasimagaa Inatsisartunit aalajangerneqarpat, tamanna aamma atuuppoq. Sinniisussap qinigaasinnaanera pillugu Inatsisartut akuersineranniit taanna Inatsisartunut ilaasortatut isigineqassaaq.

**§ 15.** Aningaasarsiaqartitsineq pillugu inatsimmi § 5, imm. 1-3 naapertorlugit sinniisussap ilaquuttaminik ingiallorteqarnissaminut qinnuteqarnera aallaavigalugu akiliunneqarluni angalanissamut ineqartitaanissamullu Inatsisartut Siulittaasoqarfiat akuersissuteqarsinnaavoq.

**§ 16.** Najuutinngikkallarnerup sulinngiffeqarallarnerulluunniip naanerani sinniisup aggersagaalluni sinniisuunera naassaaq.